

河南府志卷之九十九

藝文志二十三

詩四 七言古

龍門應制

宋之問


宿雨霽氛埃流雲度城闕河堤柳新翠苑樹花先發洛陽花
柳此時濃山水樓臺映幾重羣公拂霧朝翔鳳天子乘春幸

鑿龍鑿龍近出王城外羽從琳琅擁軒蓋雲罕纔臨御水橋

天衣已入香山會山壁嶄巖斷復連清流澄澈俯伊川雁塔

遙遙綠波上星龕奕奕翠微邊
長千尋才遠壑初飛

詩四



百丈泉綵仗蜺旌遶香閣下輦登高望河洛東城宮闕擬昭
回南陌溝塍殊綺錯林下天香七寶臺山中春酒萬年杯微
風一起祥花落仙樂初鳴瑞鳥來鳥來花落紛無已稱觴獻
壽煙霞裏歌舞淹留景欲斜石關猶駐五雲車鳥旗翼翼留
芳草龍騎駸駸映晚花千乘萬騎鑾輿出水靜山空巖響蹕
郊外喧喧引看人傾都南望屬車塵鬢聲引颺聞黃道佳氣
周迴入紫宸先王定鼎山河固寶命乘周萬物新吾皇不事
瑤池樂時雨來觀農扈春

文苑
英華

嵩山天門歌

宋之問

登天門兮坐盤石之磷磷前縱縱兮未半下漠漠兮無垠紛

窈窕兮巖倚披以鵬翅洞膠葛兮峰稜層以龍鱗松移岫轉
左變而右易風生雲起出鬼而入神吾亦不知其靈怪如此
願遊杳冥兮見羽人重曰天門兮穹崇回合兮攢藂松萬接
兮柱日石千尋兮倚空晚陰兮足風夕陽兮施紅試一望兮
奪魄况衆妙之無窮

本集

寒食還陸渾別業

宋之問

洛陽城裏花如雪陸渾山中今始發
旦別河橋楊柳風夕卧伊川桃李月
伊川桃李月伊川桃李正芳新
寒食山中酒復春野老不知堯舜力
酣歌一曲太平人

文粹

綠珠篇

喬知之

石家金谷重新聲明珠十斛買娉婷此日可憐君自許此時
可喜得人情君家閨閣不曾難常將歌舞借人看意氣雄豪
非分理驕矜勢力橫相于辭君去君終不忍徒勞掩袂傷鉛
粉百年離別在高樓一旦紅顏爲君盡

文苑
英華

公子行

劉希夷

天津橋下陽春水天津橋上繁華子馬聲迴合青雲外人影
動搖綠波裏綠波蕩漾玉爲砂青雲離披錦作霞可憐楊柳
傷心樹可憐桃李斷腸花比日遨遊邀美女此時歌舞入媚
家美女鬱金香飛來飛去公子傍的的珠簾白日映娥娥玉
顏紅粉妝花際襄回雙蛺蝶池邊顧步兩鴛鴦傾國傾城漢

武帝爲雲爲雨楚襄王古來容光人所羨况復今日遙相見
願作輕羅著細腰願爲明鏡分嬌面與君相向轉相親與君
雙樓共一身願作貞松千歲古誰論芳槿一朝新百年同謝

西山日于秋萬古北邙塵

文苑英華

代悲白頭翁

一作白頭吟

劉希夷

洛陽城東桃李花飛來飛去落誰家洛陽文兒好顏色坐見
落花長歎息今年花落顏色改明年花開復誰在已見松栢
摧爲薪更聞桑田變成海古人無復洛城東今人還對落花
風年年歲歲花相似歲歲年年人不同寄言全盛紅顏子應
憐半死白頭翁此翁白頭真可憐伊昔紅顏美少年公子王

孫芳樹下清歌妙舞落花前光祿池臺開錦繡將軍樓閣畫
神仙一朝卧病無相識三春行樂在誰邊宛轉蛾眉能幾時
須臾鶴髮亂如絲但看古來歌舞地惟有黃昏鳥雀悲

同上

同張員外諷調蒼之作

李頎

洛中高士日沈冥手自灌園方帶經王湛牀頭見周易長康
傳裏好丹青鷖冠葛屨無名位博奕賦詩聊遣意清言只到
衛家兒用筆能誇鍾太尉東籬二月種蘭蓀窮巷人稀鳥雀
喧聞道郎官問生事肯令鬢髮老柴門

文粹

洛陽女兒行

王維

洛陽女兒對門居纔可容顏十五餘良人玉勒乘驄馬侍女金

五寶扇馳歸九華帳狂夫富貴在青春意氣驕奢劇季倫自
憐碧玉親教舞不惜珊瑚持與人春窗曙滅九微火九微片
片飛花璵戲罷曾無理曲時妝成祇是薰香坐城中相識盡
繡華日夜經過趙李家誰憐越女顏如玉貧賤江頭自浣紗

憶舊遊寄譙郡元參軍

李白

憶昔洛陽董糟邱爲余天津橋南造酒樓黃金白璧買歌笑
一醉累月輕王侯海內賢豪滿雲客就中與君心莫逆迴山
轉海不作難傾情倒意無所惜我向淮南攀桂枝君留洛北
愁夢思不忍別還相隨相隨迢迢訪仙城三十六曲水迴縈

一溪初八千花明萬壑度盡松風聲銀鞍金絡倒平地漢東
太守來相迎紫陽之真人邀我吹玉笙餐霞樓上動仙樂嘈
然宛似鸞鳳鳴袖長管催欲輕舉漢中太守醉起舞手持錦
袍覆我身我醉橫眠枕其股當筵意氣凌九霄星離雨散不
終朝分飛楚關山水遙余旣還山尋故巢君亦歸家渡渭橋
君家嚴君勇貔虎作尹并州遏戎虜五月相呼度太行摧輪
不道羊腸苦行來北涼歲月深感君貴義輕黃金瓊杯綺食
青玉案使我醉飽無歸噫時時出向城西曲晉祠流水如碧
玉浮舟弄水簫鼓鳴微波龍鱗莎草綠興來携妓恣經過其
若楊花似雪何紅粧欲醉宜斜日百尺清潭寫翠娥翠娥嬋

雲飛此時行樂難再遇西遊因獻長楊賦北闕青雲不可期
東山白首還歸去渭橋南頭一遇君鄧臺之北又離羣問余
別恨知多少落花春暮爭紛紛言亦不可盡情亦不可極呼
兒長跪緘此辭寄君千里遙相憶

本集

鳴臯歌送岑徵君

自註時梁園三尺雪在清冷池作

李白

若有人兮思鳴臯阻積雪兮心煩勞洪河夔競不可以徑度
冰龍鱗兮難容舳逸仙山之峻極兮聞天籟之嘈嘈霜厓縞
皓以舍杳兮若長風扇海溟滄溟之波濤无援緣巖懸崑崙
峩危柯振石駭膽慄魄羣呼而相號峯崢嶸以路絕挂星辰

於巖藪送君之歸兮動鳴臯之新作交鼓吹兮彈絲觴清冷
之池閣君不行兮何待若反顧之黃鶴掃梁園之羣英振大
雅於東洛巾征軒兮歷阻折尋幽居兮越嶽嶽盤白石兮坐
素月琴松風兮寂萬壑望不見兮心氛氳蘿冥冥兮霞紛紛
水橫洞以下淥波小聲而上聞虎嘯谷而生風龍藏溪而吐
雲寡鶴清唳飢颺呻冤獨處此幽默兮愀空山而愁人雞
聚族以爭食鳳孤飛而無隣蠺蜒嘲龍魚目混珍媠母衣錦
西施負薪若使巢由桎梏於軒冕兮亦奚異乎夔龍躡躡於
風塵哭何若而救楚笑何誇而却秦吾誠不能學二子沽名
矯節以耀世兮固將棄天地而遺身白鷗兮飛來長與君兮

鳴臯歌奉餞從翁清歸五厓山居

李白

憶昨鳴臯夢裏還，手弄素月清潭間。
覺時枕席非碧山，側身西望阻秦關。
麒麟閣上春還早，著書却憶伊陽好。
青松來風吹古道，綠蘿飛花覆烟草。
我家仙翁愛清真，才雄草聖凌古人。
欲臥鳴臯絕世塵，鳴臯微茫在何處。
五厓峽水橫樵路，身披翠雲裘袖拂紫烟去。
去時應過嵩少間，相思爲折三花樹。

扶風豪士歌

李白

洛陽三月飛塵沙，洛陽城中人怨嗟。
天津流水波赤血，白骨相撐如亂麻。
我亦東奔向吳國，浮雲四塞道路賒。
東方日出

啼早鴉城門人開掃落花梧桐楊柳拂金井來醉扶風豪士
家扶風豪士天下奇意氣相傾山可移作人不倚將軍勢飲
酒豈顧尚書期雕盤綺食會衆客吳歌趙舞香風吹原嘗春
陵六國時開心寫意君所知堂中各有三千士明日報恩知
是誰撫長劍一揚眉清水白石何離離脫吾帽向君笑飲君
酒爲君吟張良未逐赤松去橋邊黃石知我心

同上

鳳吹笙曲

李白

仙人十五愛吹笙學得崑丘彩鳳鳴始聞鍊氣餐金液復道
朝天赴玉京玉京迢迢幾千里鳳笙去去無邊已欲歎離聲
發絳唇更嗟別調流纖指此時惜別詎堪聞此地相看未忍

牙重曉真幽和清吹却秦仙歌響綠雲綠雲紫氣向函關訪

道應尋緱氏山莫學吹笙王子晉一遇浮邱斷不還

同上

嵩山十志十首

盧鴻一

草堂

草堂者蓋因自然之谿阜前當墉洫資人力之締構後加茅茨將以避燥濕成棟宇之用昭簡易叶乾坤之德道可容膝休閑谷神同道此其所貴也及靡者居之則妄爲剪飾失天理矣詞曰

山爲宅兮草爲堂芝蘭兮薜荔羅薜蕪兮拍薜荔荃壁兮蘭砌靡蕪薜荔兮成草堂陰陰邃兮馥馥香中有人兮信宜常讀金書兮飲玉漿童顏幽操兮不易長

倒景臺

倒景臺者蓋太室南麓天門右崖傑巖如臺氣凌倒
景登路有三處可憩或曰三休臺可以邀馭風之客
會絕塵之子超逸真盪遐襟此其所絕也及
世人登焉則魂散神越目極心傷吳詞曰

天門豁兮仙臺聳傑屹崕兮零瀕瀕窮三休兮曠一觀忽若
登崑崙兮中期汗漫仙盞天闕兮倒景臺凌顛氣兮軼羣埃
皎皎之子兮自獨立雲可朋兮霞可吸曾何榮辱之可及

樾館

樾館者蓋卽林取材基顛柘架茅茨居不期逸爲不
至勞清談娛賓斯爲尚矣及盪者鄙其隘閭苟事宏
涵乖其寶
矣詞曰

紫巖隈兮青磳側雲松煙寫兮千古色芳蘿薜兮蔭蒙龍幽
人構館兮在其中羅藤襲龍兮開樾館卧風霄兮坐赧且粵

有賢兮時戾止樵蘇不爨兮清談已永歲終朝兮常若此

枕煙庭

枕煙庭者蓋特峯秀起意若枕煙祕庭疑虛宵若仙會卽楊雄所謂爰靜神游之庭是也可以超絕紛世永潔精神矣及機士登焉則寥閭懔恍愁懷情累矣詞曰

臨泱泱兮背青熒吐雲煙兮合宵冥悅歛翁兮杳幽靄意縹緲兮羣仙會宵冥仙會兮枕煙庭竦魂形兮凝視聽聞夫至誠必感兮祈此巔契顯氣養丹田終彷彿兮觀靈仙

雲錦淙

雲錦淙者蓋激溜衝攢傾石叢倚鳴湍疊濯噴若雷風詭輝分麗煥若雲錦可以瑩發靈矚幽玩忘歸及匪七觀之則反曰寒泉傷玉趾矣詞曰

水攢衝兮石叢聳煥雲錦兮噴洶湧苔駁犖兮草萑緣芳囿
囿兮瀨濺濺石攢叢兮雲錦淙波連珠兮文沓絳有潔冥者
媼此幽漱靈液兮樂天休質獲我心兮夫何求

期仙磴

期仙磴者蓋危磴穹窿廻接雲路靈仙髣髴若可期
及儒者毀所不見則黜之蓋疑冰之談信矣詞曰

霏微陰窅兮氣騰虹迤邐危磴兮上凌空青霞杪兮紫雲垂
鸞歌鳳舞兮吹參差鸞歌鳳舞兮期仙磴鴻駕迎兮瑤華贈
山中人兮好神仙想像聞此兮欲升煙鑄月煉液兮竚還年

滌煩磯

滌煩磯者蓋窮谷峻崖發地盤石飛流攢激積漱成
渠澡性滌煩邇有幽致可爲智者說難爲俗人言詞曰

飲一憩兮氣想滅磷漣清淬兮滌煩磯靈仙境兮仁智歸中
有琴兮徽以玉峨峨湯湯兮彈此曲寄聲知音兮同所欲

羃翠庭

羃翠庭者蓋崖巘積陰林蘿沓翠其上絲羃其下深
湛可以王神可以真道矣及喧者遊之則酣謔永日
汨清薄
厚詞曰

青崖陰兮月礪曲重幽疊邃兮隱淪躅草樹絲羃兮翠蒙籠
當其無兮庭在中無有用兮羃翠庭神可谷兮道可真有幽
人兮張素琴皇徽兮綠水陰德之愔兮鸞多心

洞元室

洞元室者蓋因巖作室卽理談元室返自然元斯洞矣及邪者居之則假容竊次妄作虛誕竟以盜言詞曰

嵐氣肅兮巖翠真空陰虛兮戶芳迎披蕙帳兮促蘿筵談空
空兮覈元元蕙帳蘿筵兮洞元室祕而幽兮真可吉返自然
兮道可冥澤妙思兮草元經結幽門兮在黃庭

金碧潭

金碧潭者蓋水潔石鮮光涵金碧巖葩林蔦有助芳
陰鑒空洞虛道斯勝矣而世生纏乎利害則未暇遊
之詞
曰

水碧色兮石金光灑熠熠兮澗湟湟泉葩映兮煙蔦臨紅灼
灼翠陰陰翠相鮮兮金碧潭霜天洞兮煙景涵有幽人兮好
冥絕炳其煥兮凝其潔悠悠千古兮長不滅

高適詩集卷之九

高適

不到嵩陽動十年舊時心事已徒然
一二故人不復見三十
六峰猶眼前夷門三月柳條色流鶯
數聲淚沾臆鑿井耕田
不我招知君以此忘帝力山人好去
嵩陽路惟余眷眷長相

憶本集

同河南李少尹畢員外宅夜飲時洛陽告捷遂作春酒

歌

詩

高適

故人美酒勝濁醪故人清詞合風騷
長歌滿酌惟吾曹高談
正可揮麈毛半醉忽然持蟹螯洛陽
告捷傾前後武侯腰間
印如斗郎官無事時飲酒樽中綠蟻
吹轉來甕上飛花拂還

有前年持節將楚兵去年留司在東京今年復拜二千石盛
夏五月西南行彭門劔門蜀山裏昨逢軍人劫奪我到家但
見妻與子賴得飲君春酒數十杯不然令我愁欲死

同上

偃師東與韓尊詣景雲暉上人卽事

岑參

山陰老僧解楞伽頽陽歸客遠相過烟深草濕昨夜雨雨後
秋風渡漕河空山終日塵事少平郊遠見行人小尚書磧上
黃昏鐘別駕渡頭一歸鳥

本集

三鄉驛樓伏觀元宗望文几鞠詩小臣斐然有感

劉禹錫

開元天子萬事足唯惜當時光景促三鄉陌上望仙山歸作

此在瑶池三清八景相追隨天上忽乘

閣樓閣控有秋風詞

文粹

按明皇慶月宮事書載不一惟此詩云
在女几山惜元宗詩失傳無由載入耳

河南令舍池臺

韓愈

灌池纔盈五六丈築臺不過七八尺欲將層級壓籬落未許

波瀾量斗碩

古石字

規摹雖巧何足誇景趣不遠真可惜長令

人吏遠趨走已有蛙黽助狼藉

本集

寄盧仝

韓愈

玉刑先生洛城裏破屋數間而已矣一奴長鬚不裹頭一婢
赤腳老無齒辛勤奉養十餘人上有慈親下妻子先生結髮

僧俗徒閉門不出動一紀至令鄰僧乞米送僕忝縣尹能不
耻俸錢供給公私餘時致薄少助祭祀勸參留守謁大尹言
語纔及輒掩耳水北山人得名聲去年去作幕下士水南山
人又繼往鞍馬僕從塞閭里少塞山人索價高雨以諫官徵
不起彼皆刺口論世事有力未免遭驅使先生事業不可量
惟用法律自繩己春秋三傳東高閣獨抱遺經究終始往年
弄筆嘲同異怪辭驚衆謗不已近來自說尋坦塗猶上虛空
跨綠駢去歲歲名添丁意令與國充耘耔國家丁口連四
海豈無農夫夫相相先生抱才終大用宰相未許終不仕假

如不在陳力列立言垂範亦足持苗裔當蒙十世宥豈謂胎

忠孝生天性潔身亂倫安足擬昨晚長鬚來

下狀隔牆惡少惡難似每騎屋山下窺闔

一作

渾舍驚怕走

折趾憑依婚媾欺官吏不信令行能禁止先生受屈未曾語

忽此來告良有以嗟我身爲赤縣令操權不用欲何俟立召

賊曹呼伍伯

一作五百

盡取鼠輩尸諸市先生又遣長鬚來如此

處置非所喜況又時當長養節都邑未可猛政理先生固是

余所畏度量不敢窺涯涘放縱是誰之過歟效尤戮僕媿前

史買羊沽酒謝不敏偶逢明月曜桃李先生有意許降臨更

遣長鬚致雙鯉

同上

陸渾山次和皇甫湜用其韻

韓愈

皇甫補官古賁

音六又音奔

渾時當元冬澤乾源山狂谷狼相吐

吞風怒不休何軒軒擺磨出火以自燔有聲夜中驚莫原天

跳地踔顛乾坤赫赫土照窮崖垠截然高周燒四垣神焦鬼

爛無逃門三光弛隳不復瞰虎熊麋豬逮猴猿水龍鼉龜魚

與龍鴉鴟鵬鷹雉鵠鷓鴣燁魚煨燻於刀切孰飛奔祝融告休酌

卑尊錯陳齊玫

音枚

闕華園芙蓉披猖塞鮮繁十鐘萬鼓咽耳

喧攢雜啾囁

胡伯切

沸虒瑀

滌幢絳旃紫燾旛炎官熟屬朱冠

禪

音昆音休

其肉皮通脞

音脞

臀頰胃姪腹車掀

音軒

轅緹音提顏韞

股豹兩韃

居音切

震車虹韞日轂輻

音翻

丹甦

音綵

蓋緋緋帶

音煩

紅帷赤幕羅脹蹙益

音蹙

池波風肉陵屯

音脈

谿

火含呀許加

以一鉅壑頰黎盆並登五山瀛四鑄熙熙子音醜丑音笑語

言雷公擘山海水翻齒牙嚼蒼舌舌音反平音雷光鐵先音碑

徒念作頰日暖音瑄冥收成避元根斥棄輿馬背厥孫縮身潛

喘拳肩跟音君臣相憐加愛恩命黑螭傾焚其元天闕悠悠

不可援音夢通上帝血面論側身欲進叱於闕帝賜九河滿

箭音涕痕又詔巫陽反其魂徐命之前問何冤火行於冬古所

存我如焚之絕其殮女抗本丁婦王傳世婚一結仇奈後

昆時行當反慎藏蹲視桃著花可小一作月及申酉利復

怒助汝五龍從九鯤游厥邑因之崑崙皇甫作詩止睡昏解

誇出真遂上笑要余和增怪又頰雖欲悔舌不可捫同

連昌宮辭

按唐地理志河南府善堂縣有連昌宮頌度三年置

元 稹

連昌宮中滿宮竹歲久無人森似束又有牆頭千葉桃風動
落花紅蕖蕖宮邊老人為予泣小年選進因曾入上皇正在
望仙樓太真同憑欄干立樓前盡珠翠炫轉葵煌照天上
地歸來如夢復如癡何暇備言宮裏事初過寒食一百六店
舍無煙宮樹綠夜半月高絃索鳴賀老琵琶定場屋力士傳
呼覓念奴念如潛伴諸郎頭火覓得又連催特敕街中許
然燭春嬌滿眼睡紅綃掠削雲鬟旋梳束飛上九天歌一聲
二十五郎吹管逐逡巡大遍涼州徹色色虫虫轟鏗續李暮
摩笛傍宮牆偷得新翻數般曲平明大駕發行宮萬人鼓舞

送路中百官隊仗避岐薛楊氏諸姨車闕風明年十月東都
破御路猶存祿山過驅令供頓不敢藏萬姓無聲淚潛墜雨
京定後六七年却尋家舍行宮前莊園燒盡有枯井行宮門
閨樹宛然爾後相傳六皇帝不到離宮門久閉往來年少說
長安元武樓前花萼廢去年敕使因斫竹備值門開暫相逐
荆榛柳比塞池塘孤兔嬌癡緣樹木舞榭欹傾基尚存文窻
窈窕紗猶綠塵埋粉壁舊花鈿鳥啄風箏碎珠玉上皇偏愛
臨砌花依然御榻臨塔斜蛇出燕窠盤闕拱菌生香案正當
銜寢殿相連端正樓太真梳樓上頭晨光未出簾影洗黑至
今反掛珊瑚鉤指似傍人因慟哭却出宮門淚相續自從此

後還閉門夜夜狐狸上門屋我聞此語心骨悲太平誰致亂
者雖翁言野父何分別耳聞眼見為君說姚崇宋璟作相公
勸諫上皇言語切變理陰陽禾黍豐調和中外無兵戎長官
清平太子好抹逆皆言由相公闕元之木姚宋死朝廷漸
由妃子祿山宮裏養作兒統國門前鬧如市弄權宰相不記
名依稀憶得楊與李廟謨頭倒四海狂五十年來作瘡痍今
皇神聖丞相明詔書燒下吳蜀平官軍又取淮西賊此賊亦
除天下寧年年耕種宮前稻今年不遺子孫耕老翁此意深
望意努力廟謨休用兵

按昌水在三鄉東柯坂村西其宮在昌水之南故曰連昌即子連昌故宮

詩曰昌水來西北又曰正對三鄉

金谷園歌

韋應物

石氏滅金谷園中水流絕當時豪右爭驕侈錦爲步障四十
里東風吹花雪滿川紫氣凝闕朝景妍洛陽陌上人迴首絲
竹無歸人青天晉武平吳恣罄蕪餘風靡靡朝廷變嗣世衰
微誰肯憂二十四友日日空追遊追遊詎可足共惜年華促
禍端一發埋恨長百草無情春自綠

蘇州集

北邙行

王建

北邙山頭少閑土盡是洛陽人舊墓舊墓人家歸葬多堆著
黃金無買處天涯悠悠葬日促岡坂崎嶇不停轂高張素幘
繞銘旌夜唱挽歌山下宿洛陽城北復城東魂車襯馬長相

逢車轍廣若長安路蒿草少於松柏樹澗底盤陀石漸稀盡
向墳前作羊虎誰家石碑文字滅後人重取書年月朝朝車
馬送葬回還起大宅與高臺

文苑
英華

北卽行

張籍

洛陽北門北卽道喪車轆轤入秋草車前齊唱薤露歌高墳
新起白峩峩朝朝暮暮人送葬洛陽城中人更多千金立碑
高百尺終作誰家柱下石山頭松柏半無主地下白骨多於
土寒食家家送紙錢烏鳶作窠銜上樹人居朝市未解愁請
君暫向北卽遊

洛陽行

張籍

乳鳥藏鷺鷥御門空鎖五十年稅彼農夫修玉殿六街朝暮
鼓鼙變禁兵持戟守空宮百日月拜章表驛使相續長安
道上陽宮樹黃復綠野羽入苑食麋鹿陌上老翁雙淚垂共
說武皇巡幸時

本集

北邙行

張碧

風昏晝色飛斜雨冤骨千堆骷髏語八紘牢落人物悲是箇
田園荒廢主悲絕自古爭天下幾度乾坤復如此秦皇矻矻
築長城漢祖區區自忙死野之骨兮又成塵樓閣風煙還復
新願得華山長歸馬野田無復堆冤者

全唐詩

秋日與張賓客舒著作同遊龍門醉中狂歌凡二百三

十八字

白居易

秋天高高秋光清秋風裊裊秋蟲鳴嵩峯餘霞錦綺卷伊水

細浪鱗甲生洛陽閑客知無畚少出遊山多在城商嶺老人

白追逐蓬邱逸士相逢迎南出開門十八里莊店邈迤橋道

平不寒不熱好時節鞍馬穩快衣衫輕並轡脚躡下西岸扣

舷容與繞中汀開懷曠達無所繫觸目勝絕不可名荷蓑欲

黃荇猶綠魚樂自躍鷗不驚翠藻萼長孔雀尾彩船檣急寒

雁聲家醞一壺白玉液野花數把黃金英晝遊四看西日暮

夜話三及東方明暫停不賜殿吟咏我有任言君試聽丈夫

兼濟獨善難得并不能救療生民病即須先遷

塵土纓况吾頭白眼已闔終日戚促何所成不如展眉開口

笑龍門醉卧香山行香山集

池上篇 并序

白居易

都城風土水木之勝在東南偏東南之勝在履道里里之勝在西北隅西開北垣第一第一即白氏叟樂天退老之地地方十七畝屋室三之一水五之一竹九之一而島榭橋道間之初樂天既為主喜且曰雖有臺無粟不能守也乃作池東粟廩又曰雖有子弟無書不能訓也乃作池北書庫又曰雖有賓朋無琴酒不能娛也乃作池西琴亭加石樽焉樂天罷杭州刺史時得天竺石一華亭鶴二以歸始作西平橋開環池路罷蘇州刺史時得太湖石白蓮折腰菱青版舫以歸又作中高橋通三島徑罷刑部侍郎時有栗千斛書一車泊臧獲之習莞磬苙歌者指百以歸先是潁川陳孝山與釀法酒味甚佳博陵崔晦叔與琴韻

詩四

甚清蜀客姜發授秋思聲甚淡宏農楊貞一與青石三方長平滑可以坐卧太和三年夏樂天始得請爲太子賓客分秩於洛下息躬於池上凡三任所得四人所與消吾不才身今率爲池中物矣每至池風春池月秋水香蓮開之且露清鶴唳之夕拂楊石舉陳酒援崔琴彈姜秋思頽然自適不知其他酒酣琴罷又命樂童登中島亭合奏霓裳散序聲隨風飄而散悠揚於竹烟波月之間者久之曲未竟而樂天陶然已醉睡於石上矣睡起偶咏非詩非賦阿龜握筆因題石間視其粗成韻章命爲池上篇云爾

十畝之宅五畝之園有水一池有竹千竿勿謂土狹勿謂地偏足以容膝足以息肩有堂有庭有橋有船有書有酒有歌有弦有斐在中白鬚飄然識分知足外無求焉如鳥擇木姑務巢安如龜居坎不知海寬靈鶴怪石紫菱白蓮皆吾所好

盡在吾前特飲一杯或吟一篇斐擊熙熙雞犬閑閑優哉游

送張山人歸嵩陽

白居易

黃昏慘慘天微雪，修竹坊西鼓聲絕。
張生馬瘦衣且單，夜扣柴門與我別。
媿君冒寒來別我，爲君沽酒張燈火。
酒酣火煖與君言，何事入關又出關。
答云前年偶下山，四十餘月客長安。
長安古來名利地，空手無金行路難。
朝遊九城陌，肥馬輕裘欺殺客。
暮宿五侯門，殘茶冷酒愁殺人。
春明門前便是嵩山路，幸有雲泉容此身。
明日辭君且歸去。

同上

舒員刻遊香山寺數日不歸，兼辱尺書大誇勝事，時正值坐衙慮囚之際，走筆以贈之。

白居易

香山石樓倚天開翠屏壁立波環廻黃菊繡時好客到碧雲
合處佳人來酡顏一笑天桃綻清吟數聲寒玉哀軒騎透遲
擢容與留連三日不能廻白頭老尹府中坐早衙纔退暮衙
催庭前堦上何所有纍囚成貫案成堆豈無池塘長秋草亦
有絲竹生塵埃今日清光昨夜月竟無人來勸一杯

同上

再過錦屏

呂巖

半空豁然雷雨收洗出一片瀟湘秋長虹倒掛碧天外白雲
走上青山頭誰家綠樹正啼鳥何處夕陽斜倚樓道人醉卧
巖下石不管人間萬事愁

洛陽宮闕照天地四面山川無毒氣誰令漢祖都秦關從此
姦雄轉相熾

洛陽塵

釋貫休

昔時昔時洛城人今作茫茫洛城塵我聞富有石季倫樓臺
五色千星辰樂如天樂日夜聞錦姝繡妾何紛紛真珠簾中
姑射神金線玉香成暮雲孫秀若不殺晉室應更貧伊水削
行路塚石花磷磷蒼茫金谷園牛羊斃荆榛飛鳥好羽毛疑

是綠珠身

以上全
唐詩

宋

洛陽牡丹圖

歐陽修

洛陽地脉花最宜牡丹尤爲天下奇我昔所記數十種於今
十年半忘之開圖若見故人面其間數種昔未窺客言近歲
花特異往往變出呈新枝洛人驚誇立名字買種不復論家
貲比新較舊難優劣爭先擅價各一時當時絕品可數者魏
紅窈窕姚黃妃壽安細葉開尚少朱砂玉版人未知傳聞干
葉昔未有只從左紫各初馳四十年間花百變最後最好潛
溪緋今花雖新我未識未信與舊誰妍媸當時所見已云絕
豈有更好此可疑古稱天下無正色但恐世好隨時移鞞紅
鶴翎豈不美歛色如避新來姬何況遠說蘇與賀有類異世

誇舊施造此無情宜一葉扁比著意何其私又疑人心愈巧

僞各欲圖巧窮精微不然元化朴散久豈特近歲尤澆漓爭
新鬪麗若不亡更後百載知何爲但應新花日愈好惟有我
老年年衰

送徐無黨之澠池

歐陽修

河南地望雄西京相公好賢天下稱吹噓死灰生氣談談笑
暖律回嚴凝曾陪樽俎被顧盼羅列臺閣皆名卿徐生南國
後來秀得宦古縣依嶠陵脚靴手板實卑賤賢雋未可吏事
繩攜文百篇赴知己西望未到氣已增我昔初宦便伊洛當
時意氣尤驕矜主人樂士喜文學幕府最盛多交朋園林相
映花百種都邑四顧山千層朝行綠槐聽流水夜歡翠幙張

紅燈爾來飄流二十載鬢髮蕭索垂霜水同時並遊在者幾
舊事欲說無人應文章無用等畫虎名譽過耳如飛蠅榮華
萬事不入眼憂患百慮來填膺羨子年少正得路有如扶桑
初日昇名高場屋已得雋世有龍門今復登出門相送親與
友何異離鷓瞻雲鵬嗟吾筆硯久已格感激短章因子興

送張屯田歸洛歌

歐陽修

昔年洛浦見花落曾作悲歌歌落花愁來欲遣何可奈時向
金河等杜家杜家花雖非絕品猶可開顏爲之飲少年意氣
易成懽醉不還家伴花寢一來京國兩傷春憔悴窮愁九陌

塵紅芳紫蒼苔處處有騁馬欲辭無故人黃河三月人青可

水多時悵望多為懷此水未何處中有伊流與洛波忽聞君
至自西京洗帳相看眼暫明心裏面老畏人問驚我瘦骨清
如水今年七月妹喪夫稚兒孀女啼呱呱季秋九月予喪婦
十月厭厭成病軀端居移病新城下日不出門無過者獨行
時欲強高歌一曲未終淚灑可憐明月與春風歲歲年年
事不同暫別已嗟非舊態再未應是作衰翁感時惜別情無
已無酒送君空有淚西歸必有問君人為道別來今若此

本集

憶同尋上陽故宮路

司馬光

上陽門外雲連草車馬遙遙往未道首王遊豫幾何年今人
豈識當時好明珠翠羽已成塵道上行人幾番老當時秋天

落官槐今此婆婆皆合祀

同府尹李給事遊上清宮

司馬光

洛城二月春搖蕩桃李盛開如步障高花下花紅相連垂楊
更出高花上間陪大尹出都門邛牟真宮共訪尋不見翠華
西幸時臨風盡日獨惆悵

王君旣宣徽睡示嵩山祈雪詩十章合為一篇以酬之

司馬光

今秋少雨冬不雪麥寄浮埃根欲絕聖王焦心憫萬民負辰
不怡常膳撤詔書朝下徧九州岳瀆百神俱禱求西都留守
虔君命促駕不敢須臾留高高萬仞蟠地中海內眾山無與

雄前驅大旆擁千騎波騰雲涌未祠宮牲肥酒香邊豆潔盛
服齋明薦毛血有司執事皆肅然寶帳神未風宰屑公心猶
畏九閻遙丹誠不得通青霄分留導從屯林麓別張熊具登
山椒山椒迢迢峻無極行挽枯藤躡危石萬室敎嗽愁死飢
敢憚叨勞愛餘力天門上出俄坦平下視一世塵杳冥焚香
拜手傾懇惻然左右前後皆列星公今三守三川地咫尺嵩高
未嘗至詰朝既畢祠事嚴暫轉鳴珂歷諸寺少林昔為達摩
居達摩英靈今有無庾辭流散滿天下競以兩手捫空虛法
王魏氏離宮舊玉刻狻猊猶有子孫宗廟皆塵灰止見伽
藍存不朽會善庭隅千歲松一根二股凌雲寒空勢如鼎掌

秀出泠泠水夜吟霜風少室先生樂閑暇棄官未家玉峯下
昔為浪泊據鞍人今結東陵賣瓜合溪上有堂名掛冠曰坦
重複皆林巒呼兒掃地喜公到隨分絃歌留盡歡周王太子
名聞久相傳羽化緱山首鶴飛笙遠宿無迹遺廟令人空歷
酒公未本不事邀嬉周流閭里詢疲羸親呼令長孺赤子勿
貪榮利窮鞅咎境中群望無不走回鑿仍過鑿龍口奉先暮
投林日曛泥濶晨征鞅冰厚歸未新詩盈一編明珠大貝相
屬聯此行雖不從公後歷歷勝遊皆目前

噴玉泉

遊壽安詩十首之一
原集缺九首

蒼崖雙起秋雲齋亂峯迸出如攢屏石稜澁不容馬蹄下馬

步及荆榛蹊瀑泉沃雪拖白霓落潭橫引成清溪老木長藤
咫尺遊興闌欲出忘東西

遊神林谷寄邵堯夫

司馬光

山人有山未嘗遊俗客遠來仍久留白雲滿眼望不見可惜
宜陽一片秋

神林谷

選一首

司馬光

石下泉聲蔓草深石上露濃蒼蘚徧山禽驚起飛且鳴葉墜
空林人不見

遊壽安靈山寺

司馬光

神林興盡謀早歸草間露裏行徑微忽思靈山去不遠馬首

欲東還向西垂鞭縱轡尋山足洛水逶迤過數曲漸聞林下
飛泉鳴未判已覺神骨清入門拂去衣上土先愛娑羅陰滿
庭庭下雙渠走清澈羅縠成紋日光徹寒聲浙瀝入肝髓亂
影飄蕭動毛髮寺僧引我觀泉源堂東周廻百步寬碧玻璃
色湛無底想像必有虬龍蟠泉南高山名鳳翅宛轉抱泉張
遠勢岸廣修竹踰萬竿颯颯長含風雨氣寺門下望情豁然
桑柘紛披滿一川嵩高女几列左右王屋太行來掌前昔爲
孔氏懸泉莊巖洞猶存荆棘荒到今其下多怪石熊蹲豹攫
爭軒昂嗟予歸來苦不早汨沒朝市行欲老捫蘿躡屣須數

王子吹笙去不還當時舊物唯緜山山深樹老藏遺廟春月

司馬光

秋風空自閉轅轅左界連商雒碧瓦朱欄露華薄經時掩戶
庭草深永晝無人澗花落徘徊未下日將西遙望嵩陽煙景
微鶴馭飄飄向何許林間空見白雲飛

康定中予過洛橋南得詩兩句於今三十二年矣再過
其處足成一章

司馬光

銅駝陌上桃花紅洛陽無處無春風重來羞見水中影鬢毛

蕭颯如秋蓬

以上温公集

出鞏縣

王安石

昭陵落月煙霧昏篝火度谷行山根投鞭委轡涉數村寤出
聲縣城東門向來宮闕不可見但有洛水流渾渾

書任村馬鋪

王安石

兒童繫馬黃河曲近岸河流如可掬任村炊米朝食魚日暮
滎陽驛中宿投老經過身獨在當時洲渚今平陸秣黍冥冥
十數家仰視荒蹊但喬木冰盤鱸美客自知起看白水還東
馳爾來百口皆年少歸與何人共此悲

以上臨川集

龍門

范純仁

皇圖經野臨中天北有大河南陸渾陸渾之下伊之源直走

關塞侵山根此山不斲巨坤軸逆爲女海皮壽嗣忍爲天意

奔崖岸崎嶇竦天闕此號鑿龍爲禹門石道盤紆入幽邃杉
松隱映皆祇園下窺朝市但塵土不與人世同囂喧天章閣
老真相嗣詔委北極嚴國藩前騶驅駉聊盤桓憑高置酒臨
巖軒是月嘉平臘將盡春風料峭烟霾昏主陰表日景漸正
玉沙透水波光温杳杳端聞照宸極壯以峭函周轅轅超然
宴覽勳答歎坐預國論慚真賴乃知公且卜洛意根本繫時
世與存法宮在今宜有制上憲太微奠至尊乘杓布政朝萬
玉莫如洛宅當乾坤三陵氣象貫星野慶雲祚百雲來孫豈
惟設險御諸夏亦以捍患安元光爲於訂爲事乃濟器大重

遷戚有言賤臣幽退冒及此願對上前

忠宣集

韓欽聖問洛陽牡丹之感

梅堯臣

韓君問我洛陽花爭新較舊無窮已今年誇好方絕倫明年
好更還相比君疑造化特着意果乃區區可羞耻嘗聞都邑
有勝意既不鍾人必鍾此由是其中立品名紅紫葉繁於色
美萌芽始見長蒿蕪氣炤旋看壓桃李乃知得地偶增異遂
出羣葩號竒偉亦如廣陵多芍藥閭井荒殘無可齒淮山遠
秀付草樹不產髦英塵佳卉入於天地亦一物固與萬類同
生死天意無私任自然損益推遷寧有彼彼盛此衰皆一時

中允景回舊有地在蔡今將治園囿於其間以自老
余嘗有意於嵩山之下洛水之上買地築室以爲休
息之館而未果今景回欲余詩遂道此意景回志余
言異日可以知余之非戲云爾

蘇洵

岷山之陽土良腴江水清滑多鯉魚古人居之富者衆我獨
厭倦思移居平川如手山水感恣我後世鄙且愚經行天下
愛嵩嶽遂欲買地居妻孥晴原漫漫望不盡山色照野光如
浦民生舒緩無天札衣冠堂堂偉丈夫吾今隱居未有所更
後十載不可無聞君厭蜀樂上蔡占地百頃無邊隅草深野

瀾足狐兔水種陸取身不劬誰如李斯顧秦寵不獲牽犬追

黃狐今君南去已足老行看嵩少當吾廬

嘉祐集

別子由

自黃遷汝

蘇軾

先君昔愛洛城居我今亦過嵩山麓水南卜居吾豈敢試向

伊川買修竹又聞緱山好泉眼傍市穿林瀉水玉想見茅簷

照水開兩翁相對清如鵠

文忠集

獨樂園

蘇轍

子嗟邱中親藝麻邵平東陵親種瓜公今東去事農圃亦種
洛陽干本花修篁繞屋韻寒玉平泉入畦紆卧蛇錦屏奇種

副巖竇嵩高靈藥移芳華

家法經深紫相媚如重樓多葉爭矜誇一枝盈尺不輸價士
千斗酒那須賒歸來曳履苔逕滑醉倒閉門春日斜車輪班
班走金轂印綬若若趨朝衙世人不顧病楊縮弟子獨有窮
侯芭終年著書未曾厭一身獨樂誰復加宦遊嗟我久塵土
流轉海角如浮槎歸心每日自投劾孺子漸長能扶車過門
有意奉談笑幅巾懷刺無袍鞞

樂州集

女几祠下

張耒

山邊白雲閑不掃山下松花龍甲老東風古栢吹暖香廟前
土馬荒春草朝霞爲裳水爲珮守廟千年老龍在清風掃堂
神暮還山頭月出換潺潺

宛邱詩鈔

瀛昌北秋日村行

張耒

秋野無人秋日白禾黍登場秋索索豆田黃時霜已多桑蟲
食葉留空柯小蝶翩翩晚花紫野鶉啄粟驚人起洛陽西原
君莫待秋光處處傷人情

黃桑蕭蕭新雨晴田中日午村雞鳴場頭九月禾黍熟空原
雉飛飽新穀棘籬蟲鳴村路曲路邊古墳生野菊人稀田澗
草茫茫洛陽秋深能斷腸

以上宛
邱集

香山承孔處厚

晁冲之

我來南經幾山過馬行似衝山色破風烟席卷崑穴開澗花

餓道人碧眼照川谷雲起盤陀藉高坐殷勤勸我更莫歸嘆
鶴啼猿亦相和窻前笑喚祁孔賓世間安用招魂些

具茨集

洛春謠

司馬樞

洛陽春水揚春風
銅駝陌上桃花紅
高樓疊柳綠相向
綃帳金鸞香霧濃
錦裘公子五陵客
拳毛赤兔雙蹄白
金鉤寶玦逐飛香
醉入花叢惱花魄
青蛾皓齒別吳倡
梅粉妝成半額黃
羅屏繡幕圍寒玉
帳裏吹笙學鳳皇
細線圍紅曉煙涇
車馬駢駢雲地
櫛瓊盃深琥珀
濃鴛鴦枕冷珊瑚
濕吹龍笛歌白紵
蘭皋淋漓日將暮
君不見灞陵岸上楊柳枝
青青送

別傷南浦

夏陽集

遊獨樂園

宗澤

范公之樂後天下維師温公乃獨樂二老致意出處間殊塗
同歸兩不惡鄙夫杖藜訪公隱步無石初登無閣堂卑不受
有美奪地僻寧遭景華拓始知前輩稽古力晏子蕭何非妄
作細讀隸碑增慷慨端正似之宜再拜種藥作畦醫國手澆
花成林膏澤大見山臺上飛塵多高山仰止如公在

宗簡集

金

金谷行

楊奐

洛陽園地天下無金谷近在西成偶晉時花草不復見野人

滿桃李中有一妓名綠珠千金買步障百金買氍毹時時吹
笛替郎語雲窻霧戶常歡娛層堦欲下須人扶豈料一日能
捐軀紅飛玉碎頃刻裏空使行客悲躊躇樓頭小婦感恩死
君臣大義當何如

還山
遺稿

雪中自洛陽還嵩山

元好問

道人薄有塵外緣迫入塵埃私自憐三十六峯一茅屋夢裏
西家掠社錢津津喜色見眉宇峩峩青城當眼前蹇驢徑入
風煙去恰是梅花欲雪天

遺山
集

嵩山玉鏡

元好問

玉鏡見何許今日東山陞積雨洗昏霾旭日發光輝光輝奪
人目灩灩如動移初如秋月圓漸如曙星微曙星不能久併
與晨露晞此鏡何從來造化秘莫窺山精或寶氣恍惚令人
疑誰爲問岳祇山川英秀會有歸不能生申與甫瑞王國萬
丈光芒徒爾爲同上

送郝講師任崇福宮

元好問

大方之家幾知津郝君七十老斲輪書文五車喙三尺劇談
混沌今猶神太元博士爲絕倒君言夸矣天公嘆長安冠蓋
羅青雲洛陽車馬爭紅塵怪君掉頭不肯住寂寞來作由東

嶽高維岳古所秩三十六帝有外臣元都石壇侍鸞馭宮

殿突兀松輪囷上界僊人鄧雲山洞天治所名司眞蓬萊方
丈去不遠明星玉女時相親瑤華可擷蘭可紉煙霞永隔塵
中人黃鵠一去不復返白鷗萬里誰能馴爲我殷勤謝鄧君
玉華歲晚當平分

同上

李道人嵩陽歸隱圖

雷淵

我家嵩前凡再期詩僧騷客相追隨春葩繽紛香澗谷夏泉
噴薄清心脾霜林置酒曳錦障雪嶺探梅登玉螭重陽夜宿
太平頂天雞夜半鳴喔咻整冠東望見日出金輪湧海光陸
離神州赤縣入指顧風埃未靖空歔歔窮探極覽不知老泉
石住處多留題簡書驅出踏朝市期會迫窄愁鞭笞襟懷塵

土少清夢齒頰棘荆眞自癡叩門剝啄者誰子道人面有熊
豹姿披圖二室忽當眼貫咏編貝多文辭我離山人詩筆退
摹寫豈復能清音再三要索不忍拒依依但記經行時道人
愛山復愛詩嗜好成癖未易醫山中詩友莫相厭遠勝薰酣

聲利兒

中州集

題元裕之家山圖

趙元

繫舟盤盤連石嶺牧馬澄澄倒山影山光水氣相混涵中有
元家舊廬井鴈門一開豹虎場駕言投迹嵩之陽青山偃蹇
不可將十年竟墮兵塵黃東巖風物如猶在說與寄庵神已
會一揮淡墨能似之清輝遠寄形骸外元家故山吾與鄰夢

見不如圖書真舊會行處聊經眼未得歸時亦可人

中州集

天津橋同李之純待月

高廷玉

驂鸞追散仙乘槎抵銀潢跳上玉龍背抱得銀蟾光素娥愁
不歸再拜捧瑤觴問以天上事玉色儼以莊爾能爲我歌白
雪我亦爲爾搗元霜不然借我廣寒殿與我長作無何鄉傍
有謫仙人拍手笑我狂天風忽吹散人月兩茫茫

中州集

次田若虛遊龍門寶應

魏搏霄

少室右臂禹所鑿開排清伊來高寒土肉養石自古秀山腰

流泉無時乾佛髻滴滴染濕翠松風颼颼鳴驚湍白傅已矣

不可見予誰從之投歸鞍

中州集

嵩山怪松謠

李純甫

阿誰栽汝經幾時輪困擁腫蒼虬姿鱗皴百怪雄牙髭擎空
天矯蟠枯枝疑是秘魔巖中老慵物旱火燒天鞭不出睡中
失却照海珠羞入黃泉蛻其骨石鉗沙錮汗且僵埋頭卧角
政推藏試與摩娑定何似怒我根觸鬚聳張壯士囚縛不得
任神物世間無著處隄防夜半雷破山尾血淋漓飛却去

中州集

元

金谷步障歌

楊維禎

金谷水派銀河流金谷峙據三神邱太僕卿君十二樓花草
不識人間秋蜀江染絲紅五色紫鳳銜絲終夜織剪斷鯨濤

三萬匹天女江如不敢惜明珠量斛買蛾眉時時玉笛障中
吹紅鸞翠鵲飛在地香塵蹋蹋凝流脂野鷹西來歌吹歇踏
錦未收風雨裂樓前申士屯如雲樓上佳人墜如雪於乎董
家郿塢金成泥鬼燈一點燃空臍齊州奴何用爾只須豆粥
與萍虀不見祇今金谷底野花作障山禽啼

鐵崖集

綠珠行

楊維禎

王家高樓起金谷賈妾不惜千金斛美人買得一片心不買
青眉與朗目手持玉笛吹鳳凰誓與蕭史雙頰頰樓頭侍宴
宴未徹申光一片樓前雪神珠一點擲畫欄花作流星火不
滅於乎珊瑚步障裂行人弔珠在古井井中照得青天月石

家妾石家妾二十四人金谷友入趨道傍方拜覆

同上

題王子晉

童 童

屣棄萬乘追浮邱仙成駕鶴緱山頭碧桃千樹鎖金洞玉笙
嘹唳天風秋回眸下笑蜉蝣輩蝸角爭戰污濁世何當高氣

凌雲霄願隨環珮聯雲騎

元詩選

洛陽劍客歌爲程景陽作

趙 汭

洛陽古稱豪傑窟竒才劍客尤超忽漢家三十六將軍劇孟
歸來如敵國爭誇玉貝高拄頤曼胡短後供兒嬉平生耻學
一人敵留中耿耿誰能知功名何必慚廉蔣排難解紛聲愈
振白頭恨不當單于誤身竟坐封侯印長安卿相眞庸奴

妾與馬窮歡娛一朝萬事成瓦裂金錢果爲何人輸君不見

洛陽劍客藏名久好盡中山千石酒精靈變化會有時莫遣

光芒射牛斗

元詩

北邙山歌

白樂天賜第履道坊既塋北邙敕命遊人至墳所者必醉酒至今墓前隙地泥潦

廼賢

北邙山高雲嵯峨山前日日聞輓歌千金買穴望卿相不道
洛陽人塋多長安歸來錦衣客昨日城南起新宅雕闌華礎
滿前楹盡是當年墓邊石墓邊野老鬢如絲自言曾見築墳
時轉頭石馬卧荆棘白楊蕭瑟秋風悲白日西流水東逝眼
見君家塋三世舊時隧道盡爲田新墳苦作千年計寄語洛

陽諸少年對酒莫惜黃金錢縱有寫碑勒勲業文章誇靡誰
能傳君不見履道坊中白太傅留客高堂醉歌舞至今三月
看花人載酒去澆墳上土

金臺集

題石崇錦障圖

朱德潤

洛陽金谷園中花雕筵爲闌繡作遮琉璃器多出珍饌瑪瑙
街長行鈿車椒房塗香貯歌舞曳珠珥翠籠輕紗珊瑚扶疎
三四尺王羊貴戚爭豪華那知花淫風雨妬古來山澤生龍
蛇嬋娟墜樓賣玳瑁碎月明夜半啼驚鴉

存復齋集

明

咏王子喬

劉基

王子喬乃是髭王之子皇王之孫深宮洞房不稱意却駕白
鶴尋軒轅虹霓爲旗雲爲旛飄然乘風上崑崙王子喬去何
之朝發暘谷暮崦嵫六龍九鳳相追隨穆王西上不得王母
訣胡爲元氣獨爾私王子喬去不還后稷功業巍如山猶有
九鼎知神奸王城日久生荊菅爾獨胡爲白雲間王子喬空

長嘆

青田集

澗池縣王丞君驅虎歌

玉禕

澗池之境最多虎道路行人甚愁苦狂風吼怒振塵沙落日
驚魂慘烟雨王侯承詔來作丞民有瘡痍手摩撫下車走謁
城隍廟親寫文移對神語爲言幽巖雖有分我與爾神均守

土猛虎今茲實害人責不在予遷在汝早遣惡類離境中爾
神無愧爲民主精誠一念旣感孚陰逐潛驅固其所驛使郵
夫中夜馳畊農賈客凌晨聚前時出戶卽畏塗今日連村皆
安堵童叟謹藉藉相謂言孰使吾人樂居處我侯之德與神通
故令孽沴成銷沮豈不見古來循吏美蹟多虎有渡江及渡
河澗池之事同不磨生侯王侯柰爾何

忠文
集

洛中有感

方孝孺

前年停車沐水陽鄭公延我政事堂是時梁園花亂發遊蜂
乳燕春滿牆綠酒浮鴈面玉白綉衣耀座腰金黃豈知造化
不容物俊傑俄爲土中骨重來訪舊無一存冠蓋年華兩飄

忽堂中遺跡劇人意粉圖素壁銀鈎麗道廣常懷濟物心數
竒竟負匡君志文章爛熳空白苦政術廉平索誰繼官僚薦
書嗟我遲妻子思家歸未遂感此臨風涕淚垂出門上道風
塵鬢西行境內五百家到處逢人稱善治洛陽城中迎歲新
正思昔日梁園春河南忽過張少府意氣遂同鄭老真臘梅
盈庭花璀璨銀燭照夜光璘珣登高訪古隘八極勸酒笑談
驚四隣我被虛名浪驅束奔走煌煌炊不熟明朝又渡灑水

西行李再經燒棧北丈夫會合當有時各展忠貞報王國

通志

北卽行

簪 同

纍纍北卽墳鑿石爲虎羊憶昔葬此初爵封侯與王導以方

相氏飄飄銘旌揚紫車雜編騎鑣鼓喧周行執紼人如蟻哭
聲動穹蒼相送至窀穸日暮下黃腸生既享華榮死亦增輝
光焉知千載後無人奠殺漿寶氣夜忽露大盜發所藏不見
馬鬣封但見白骨荒空留一斷碑龜趺卧夕陽遂令往來者
過此生感傷感傷亦何爲生死人之常陰陽有晝夜誰云無
興亡萬物終消盡天地復渾茫何史垂功名何世存文章金
石且不堅豈獨人久長

明詩
綜

閩灘行

李夢陽

城頭雞鳴聲不惡祖生夜舞司州

卽河南府

幕南來擊楫向中流

殺氣橫秋盡幽朔手提一劍馴兩龍黃河以南無戰鋒十州

父老皆部曲誰遣吳兒作都督宋元未清壯士死遺恨吳江

半江水

空同集

洛南伯馮將軍歌

何景明

都督猛氣世不多一日百戰千里過殺賊累累十萬馱東至
滄海南黃河宋門西平傳凱歌洛水轉鬪風揚波敵營晝雨
淋漓沱面貫雙箭猶揮戈君不見諸將歸來金滿室生封萬
戶食千邑都督河頭死爲伯

大復集

新安行贈王廣文

薛瑄

西通嶠澗東洛陽澗流曲折波浪浪連峰疊巘互低昂溪橋
野店遙相望函關開豁地一方新安老樹浮高隍山迴川合

鬱蒼蒼儲精孕秀不可當錢君若水慎行藏急流勇退何徜徉
韓侯擒虎智力強高勲亦可銘太常其餘豪傑皆軒藏弱
毫未易俱談揚王喬古洞南山陽世傳鐵斧殊荒唐洪鑪烈
燄徒煌煌百煉不改纖毫鋼古來雷斧墜穹皇陰陽搏結成
鋒鋌鐵斧無乃類此行胡爲末俗相驚惶我行愛此山水鄉
往來屢宿芹蘋堂芹蘋廣文情慨慷時能取樂行華觴諸生
羅列芝蘭香爭持斗酒澆我腸醉來意氣何揚揚爲之放筆
掃秕糠掇拾故迹百寸忘頗勝燕石爲琳琅欲行不行意徊
徨明朝別思俱茫茫

文清集

題龍門石像

彭綱

兩山相對峙龍門
河水流山裏龍門天造非禹功獨向
中州擅山水憶昔周公營洛都陰陽險阻歸謀謨炎劉典午
御區宇來此闕塞陳基圖跋陀元魏擅中國豔妻媚佛禍山
石洞中大象高幾尋山間小者無半尺當時鉅鑿斲民脂萬
金不恤窮妖音誰知佛死無靈氣諸魔依託猿夜啼右擊疑
鼓左疑鑼神州漸見交兵戈梁皇餓死誰不見魏國分崩石
佛多我來問俗偶登眺坐觀今古資一笑東山寂寞西山關

忽聽漁舟崖下叫

雲田集

國谷關歌

朱應登

朝出洛陽城暮投函關道函關日落行人稀滿目黃雲暗秋

草此地古來西屬秦崩城敗壁猶嶙峋牛車冉冉行不盡更
愁怪石摧車輪關門老子去已遠吾生學道嗟何晚紫氣猶
經舊路逃青牛不見當時返只今豺虎正縱橫羽檄星馳大
點兵徼巡司隸督責苦闕下居民旦夕驚疎林漸指新安麓
夜火人歸茅店宿雞鳴客起四散分令人忽憶孟嘗君

明詩
綜

嵩山高

吳三樂

望嵩嶽兮乃在伊洛之浦箕頽之隈龍從萬仞何竒哉盤礴
中原橫九垓陰陽昏曉多變態吐吞日月相縈迴翠雲孤聳
排丹嶂二室東西宛相向諸峯却立如欲摧削出芙蓉千萬
狀紫峯高處從中起瑤臺紺宇白雲裏古松偃蹇不知年溪

流惟見石齒齒遙接崑崙巔
看扶桑水天際長河一線來
鯨掀鰲掣勢難止日觀蓮峰稱最高
鬼乎泰華未足恃有峰
六十信插天森森劍戟自蜿蜒
玉女青童遞隱見紫微黃蓋
生雲烟上有三花之古樹下有百丈之飛泉
晴空片片灑寒雪飛蘿懸瀉如珠連
我欲乘風到絕頂恨無羽翰愁攀緣
策仗徘徊日將午倏忽陰雷散輕雨
長風爲我捲浮雲飛來倒掛巖前樹
振衣宛轉陟層巔四顧茫茫小寰宇
神僧面壁人不知仙子吹笙鶴自舞
卽欲舉手採月窟廣寒彷彿見銀闕
醉把金壺餐綺霞坐看玉鏡邀明月
入石室卧雲門那知春外有乾坤
劃然長嘯如雷奔萬壑雲霾虎豹蹲
山鬼倚巖笑

山鳥繞樹喧靈怪恍惚不可測更從何處問真源君不見周
家申甫元非偶詩云嶽降理或有又不見盧鴻巖下草木春
卜居偏傍洗耳人吁嗟乎靈山自是毓精英古來高士留其
名秀色攬結真堪把而我豈終軒冕者紅塵白馬竟何爲不
如棲息此山下出山日落迷烟霧回首恐失桃源路他年儻
得伴松筠買山還許留詞賦

說嵩

澗池會盟臺

趙貞吉

天弧夜射青麟死天下諸侯慶牛耳完璧城邊走趙人擊缶
臺畔聞秦聲池中夜浸一片月年年艸綠春風發猛將韃腰
取豹韜牧童扣角來狐窟

列朝詩選

題金谷園障子歌

李攀龍

誰將金谷傳毫素座上無人不同顧乍展旋驚澗水流纔開
已識河陽路四壁真看片錦圍中庭如見雙鬟度移席休臨
壁妓樓解衣欲掛沙棠樹彷彿明如出塞吟聽來未必梁塵
誤詩成酌我我豈辭便過三斗無論數綠珠安在恰當壚似
留且往勢可呼意慄崑崙紫窳窳色寒滄海紅珊瑚君家富
貴合如此此時那知有障子縱然客散掩空堂猶聞夜夜春

風起

滄溟集

石季倫金谷園圖同于鱗賦

王世貞

石家金谷鬪繁華春風占盡洛陽花連雲錦帳五十里壓角

流蘇玉辟邪。瑩蹄快犢。夜光脚平頭。小奴火浣衫。君王珊瑚
敵不得。七尺神柯產。日南回巒別。起清涼臺。綺楯交䟽。面面
開芙蓉。千頃映朝日。日炙風掀香氣來。楊柳低纖。姹女支琵琶。
小按明君辭。九齊芳塵驗履跡。舞罷珍珠第。賞遲急管繁。
絃響清漢酒闌。金鈿自凌亂。小婢收將處。伸衣胡姬解拾安。
仁彈翹風退。房泣秋草綠。珠轉眩青春。好回眸一盼。光形生
八百蛾眉盡。如掃長安使者白鼻騮。升堂左顧何矜誇。連枝
分折秋霜手。不入侯門映絳紗。何人白首吟同歸。倏忽豪華
事已非。惟有殘霞零落處。至今猶似墜樓時。四部稿

曉發孟津渡黃河寒甚

張瑄

北風吹面如刀利黃河流水奔突騎公家事多無了期鼓枻
衝寒復宵濟河陽古城岸河北基址尚存樓櫓廢繁華已逐
時變遷井邑盡爲耕牧地七國封疆東接韓九州分野西連
冀武王經此弔殷民八百諸侯不期會聖明德化遍九壤草
木魚蟲亦沾被巡行到處市恩威不詠賢勞歌旣醉

通志

書香山九老圖

王恭

唐家名臣白居易暮年脫略青雲器抗節羞趨當路門拂衣
起謝人間事以茲疎散愛香山路下羣公亦遂閑玉堂金馬
俱殘夢流水孤雲同去還石樓烟樹隴隴見八節迴灘瀉秋
練雲衣落落古松姿鶴髮皤皤凍梨面人生宦達應如此豈

必浮名絳青史楚國三生少見機竹林七子徒爲爾名遂身
閒古所稀洛陽山水又清暉青山何處無佳賞白首湮沉空

布衣

洛陽志

送人遊嵩山

趙南星

我昔騎龍游嵩山三十六峯飛紫州元鳥化爲白玉童爲報
子晉來翩翩道我何事久不至共傾金液長松前子晉爲我
歌鳳凰爲我鳴妙音不可辨隨風滿太清慙勸留我住瑤闕
雲中揮手風前發徑須身致宇宙平然後於此鍊真骨石上
空留紫茸花林中長掛青天月誰知世事多錯迕塵沙空短
英雄髮時望嵩山雙涕流逢君今向嵩山游贈爾破山之寶

劍履食石髓延千秋爲我致聲山中客明當歸來卧雲石

說

游嵩少酌廬巖

黃輝

太室少室蓮花巾大熊小熊巢父鄰喜從黃社逢賢含笑共
青山閱過人茶竈著來秋月苦芝盤提去夕陽貧廬巖已不
知鴻一名姓何勞着片珉

石刻

少室行

傅梅

鴻濛下墜元氣結巨靈劈天天柱折大禹安所施神功五丁
蜀道翻疑拙寒玉削成萬仞高森森畫戟排天闕游人多在
側背行誰識此出真竒絕前日我從臨汝來方知山面西南
閃百里巒岿看九頂蓮花一朵誰爲栽四下羣山低若水丹

崖翠嶂凌波起鞞鞞正如茵苔舒亭亭直上雲霄裏端整巍
我若冕旒宋人所以稱冠簡近山步步漸易形三十六峯插
青冥疑神駿鬼紛難狀吐霧吞霞了不停似獅似象似奔馬
如笏如几如張屏看山到此愜幽賞雙眼生饒雙足癢脫却
青袍著短衣捫蘿捋葛披榛莽絕嶠豁斷忽連幽崖磔澗
窄還廣同遊二客俱好奇穆君翩翩戚君爽絳綃十丈代益
輿百夫更挽作前驅凌險狎危賈勇進十里五里纔須與鹿
鹿豺狼俱遁遁惟有騰猿飛鳥相追呼絕頂振衣何所見百
鄰鄰兮雲片片京洛依稀幾縷烟黃河彷彿一條練西天門
內鐵窻遙玉膏神霧時時變帝休貝樹生何所萬壑千巖日

根枝脈落遙相通錦繡臺中猶爛熳光明月裏自玲瓏來仙
靈隱羣真府寶勝清涼列梵宮龍從石笋暎瓊壁白鹿金牛
堪共櫪歌山舞水能娛人昔日雲鐘聲未寂檀香紫薇原有
種雲母丹砂亦可覓石室無主石床寒玉笈琅函空歷歷連
天高接紫霄分白道洞邊多白雲此間便好尋仙去緱嶺吹
笙咫尺聞藥堂藥草多難識神芝甘果長芳芬一丈鐘乳千
歲穀冥搜未遘西日曛二君勸我觀且止歸來黯澹思無已
隱士惟知索價高縉紳絕無濟勝趾方今領畧屬何人揮毫
一雪名山耻吁嗟乎樓異之賦二千言描畫色澤都且美後

來楊奐十字詩分明寫出神共髓予懷正與昔賢同萬古山

靈有知己

雜園
稿

嵩陽宮三栢歌

傅梅

突兀三栢插天中碧鱗剥脫如蒼龍
拗雪凌霜關日月掣雲攬雨吼雷風
旁蔭嵩陽一千畝爭雄二十四高峯
山中之人相傳聞漢武曾封三將軍
御蹕巡遊幾千載斷碑磨滅無完文
從幸諸臣知多少人人先此將軍老
隋唐戰骨久成灰嬰鑠三君獨矯矯
人言不死是神仙子晉吹笙去不還
煮石蒸霞何地覓琪花瑶草空蒼烟
滄海桑田變朝墓種樹者誰今何處
閱盡遊人誰復來日見新墳高古墓
吾聞太山有松今

政也徹也俱多事松兮柏兮蒙其汚我來幸作名山主每過
道宮悲稷黍徘徊樹下不能歸有懷欲向將軍語此間箕穎
有天人敝屣曾輕萬乘主況與衛霍同一流人奴齷齪何足
數三君果受漢家封萬古高風讓巢許

雉園稿

北印

袁宏道

蒼松老鬣風掀舞壘壘孤烟問無主銅駝陌上舊王侯吹作
行人面上山頭白楊化爲姥夜夜田中驅石虎衣冠北向
拜壽陵樹上烏鴉作人語

錦屏山歌

劉敏寬

瞻彼嵩嶽地之軸西北錦屏當其麓羣峰高併入烟霄鬱鬱
森森匝萬木俯瞰洛流澄且清卬山在下如伏鯨右連伊闕
漫逶迤左盤函谷何崢嶸一盤一旋自邱壑攢管連帙自天
削樹杪憑虛嘯一聲萬竅齊鳴天籟作孤亭獨出廣寒宮雙
塔巍巍插碧空登臨但覺天地濶嵐嵐萬里來長風思叔祠
前栢陰陰陶公洞畔煙霞深白鹿踏破黃花坂青牛騎過玉
峰林岩穴玲瓏春先着深紅嫩柳任絡錯朝來獨坐白南軒
鳥語花香遍城郭雲擁山晦山欲浮蛟龍携雨傾山頭片時
躍出千尋碧蕭颯真成六月秋一夜崑崙幻霜容如丹楓葉

清宮去後幾時邊會牛女七襄施巧爲錦峰朔風嚴寒萬草

佛崗橫白鷺洲萬里源通鐵菜溝時一振衣與濯足頓令胸
次真悠悠我來對此六禩逾千態萬狀屬絕殊但媿無能爲
增價端如仰止來蒿呼韓侯宮闕空草際當日雄圖自壯麗
盛朝卜世應無期惟願山河恒帶礪

宜陽志

却山古鏡行

崔譽

洛陽市頭多古鏡斑生翡翠形圓瑩多出却山古墓中猶存
鑪冶人名姓貴人買得更礪磨還向粧臺伴綺羅家家珍重
湧高價遂令掘發年年多古人一去不復見可憐却照今人
面寧知今人卽古人堆着黃金苦貪羨虞淵日落誰可持水

波到海無回期莫道紛紛好容鬢鏡裏青春能幾時

通志

綠珠行 并序

溫秀

暮秋夜讀石崇傳得所謂綠珠者意頗憐之明日放舟南河過季倫舊居則高臺頽岸儼然在目舟人指曰此綠珠粧樓也恨陳迹莫迴感行樂之可儆乃作綠珠行

夜讀綠珠傳朝過綠珠臺綠珠風流不可見朱簾畫棟空塵埃石家富貴傾今古雲鬢花顏儼分色五斛明珠買麗人一

曲千金教歌舞壘金疊玉起粧樓盤雲結霧臨清流豈知千

載後寂寞成荒邱隋宮在其西漢闕在其東朝市繁華幾更

變唯有草樹吹秋風天地風雲亦反覆何首紅粧與金屋吹

簫擊鼓且放船舉酒一醉傾萬斛日暮迴舟天津橋雲臺南

望埋蓬蒿王喬李白俱在
眼神仙酒徒皆我曹
嗟乎男兒莫恨功無成功
成身樂得高名通志

國朝

雒陽行

吳偉業

詔書早洗雒陽塵
叔父如王有幾人
先帝玉符分愛子
西京鏑狄泣
王孫白頭宮監鋤
荆棘曾在華清內
承直遭亂城頭
烏夜啼
四十年来事堪憶
神皇倚瑟楚歌時
百子池邊嫋柳
絲
早見鴻飛四海翼
可憐花發萬年枝
銅扉未啓牽衣諫
銀箭初殘淚如霰
幾年不省公車章
後來數罷昭陽宴
骨肉終全異
母恩功名徒付上
書人貴彊無取
諸侯相調護
何關老

大臣萬歲千秋相訣絕青雀投懷玉魚別昭邱烟草自蒼茫
湯殿香泉暗鳴咽析圭分土上東門寶轂雕輪九陌塵驪山
西去辭溫室渭水東流別任城少室峰頭寫桐漆靈光殿就
張琴瑟願王保此黃髮期誰料遭逢黑山賊嗟乎龍種誠足
憐母愛子抱非徒然江夏漫裁修栢賦東阿徒詠豆萁篇我
朝家法踰前制兩官父子無遺議廷論繇來責佞夫國恩自
是優如意萬家湯沐啓周京千騎旌旗給羽林總爲先朝憐
白象豈知今日誤黃巾鄒枚客館傷孤兎燕趙歌樓散烟霧
茂陵西築望思臺月落青楓不知路今皇興念總帷哀流涕
黃封手白裁殿內遂停三部伎宮中爲設八關齋束薪流水

王人戍太牢加璧通侯祭帝子魂歸南浦雲玉妃淚灑東平
樹北風吹雨故宮寒重見新王受詔還唯有千尋舊松枯照

人落落嵩高山

松村集

過連昌宮遺址

王鐸

君不見昔行宮荒郵漫衍今人耕陵谷高下滿榛楚車前突
然過田鼠憶昔關元重娥眉太真妖艷鬪容儀檻中竹葉多
輕落牆外桃花却倒吹力士銅綬五文章錦瑟龍巾百和香
芙蓉平吐銀屏彩鴛鴦斜飛金瑋光玉輦一去金門鎖戰塵
迷螢山葉墮舊苑吹殘牧箠風故墟半入獵人火不見楊李
諸鬼回三十五郎罷酒杯白猿聞嘯下劫角蛇老精靈引衆

虺麗景雄圖那可恃鸞篋無色虬鐘死美人幻爲馬鬼塵新
聲變作洛河水霞飛水逝去不還雕房瑤榭亦可憐荒原芳
草生新地爾關古月照晴川野人告我不欲去燕窟老鴉觸
情絮試問姚宋及祿山烟雨濛濛不知處

宜陽志

頽陽三月雨雪歌贈丁元父

王鐸

頽陽山中三月雪拂石點苔映春月行人三日嵩峰游欲行
不行心斷絕古稱洛邑天地中三月胡爲尚朔風巖前看竹
微微翠澗底櫻花悄悄紅登封主人有異政去國憂讒時卧
病無乃此事干天和不然何以乖時令世途反覆那可知把

酒且唱游仙詞雪晴驅馬朝天去爾對三花採寄誰

登封志

哀洛陽故宮

王 維

洛陽三月春不新，惱殺洛陽看花人。
舊時池館今不識，暮鴉啼破楊柳春。
憶昔歌舞滿宮闕，結風裊雲不飛月。
晴鶯曉樹春相引，錦幙流蘇香未歇。
玉笙吹夜小星稀，蘭膏晚照靚粧衣。
芙蓉寶幄金絛脫，翡翠之裙蝴蝶飛。
傾彩流光蕙爲質，稱觥手捧半邊日。
醉倒春聲傾銀河，夜來不放星星出。
壬午賊來破洛陽，殺戮劫奪如虎狼。
血漬鑿輅埋灰燼，刀卷陰風入掖廊。
土人拾得碎玻璃，寶釵金鳳霑黃泥。
觚稜燒玉眞龍死，榮楯裂錯鬼馬啼。
曲徑猶傳碧梧宮，遺墟但見狐狸蹤。
日暮悲歌傷懷抱，拔劍欲砍斷春風。
春風無復人倚樓，灑水泱泱

繞宮流咽咽嗚嗚不忍聽日夕麋鹿上城頭

春初同傅叔甘公定遊石淙

王 鏞

石淙壁開一天水瑠璃卷瀉噴紫藟源泉直下嵩峰巔崇崖
半浴澄潭裏春冷石淙水不飛正月二月遊人稀聯鑣踏碎
頽川雲斜轉山腰入翠微山中雜石吐雲煙珍木瓊英覆其
顛翳岫飛衝滄海日芙蓉倒插蔚藍天紅蘿素月鋪春菜碧
涓丹泉瀉通幽水盤白若深無極壁削青蓮欲倒流武后昔
年同此遊君臣賦詩鑿清秋我今同遊有數君栗君張君興
不羣傅家伯仲稱妙阮二子隨我攀綠雲舒情忽放莽貫側
飾心不掩少室色文章從此變虎豹日月不敢頽頽人一路

吹來龍母風千巖滴碎淩玲瓏桃花閉口不成笑杜鵑迎春
放小紅大淙小淙盤雲壑飛珠連珠相錯落翠娥鼓瑟馮夷
舞少姨吹笙蘇海若大白且浮千頃波漱石洗耳放高歌許
由呼來濯我足醉後倒騎金波羅回首西山頭半白讀書飲
酒時已迫且枕石無眠千日不然終身換慣醒靛富貴亦何
益

以上大
愚集

九龍潭歌

施閨章

翠屏側削寒谷直坎靈湫連碧玉鞭霆作爾龍歸來縮角攢
鱗此中宿密林夾石石髮青崩崖訶磔陰風腥下有菖蒲寸
丸節潭幽磴滑雲冥冥荒纓屨杖人嘯語困嬾九龍眠不醒

君不見才雄膽火昌黎子石記猶傳雷震耳

愚山集

三栢行

沈荃

太室山前五古栢屹然崑崙倚絕壁
黛色成陰數十畝霜柯蔽日百千尺
挺生不知自何年森梢巨榦拂蒼烟
得地能逃斧斤庖摩空直據造化先
凌冬蕭颯色葱蒨過客欷歔但增羨
枝間往往出蛟龍巖下時時起雷電
漢家天子事登封鸞輿忽駐三花宮
此栢特賜將軍號草木恩榮誰與同
羽林車騎今何有武帝雄圖消歇久
古樹寧隨時代更含風溜雨渾難朽
將軍作鎮嵩之陽痛如劊佩儼成行
空山魍魎皆竄伏白日狐狸亦走藏
年去年來對碧嶂此栢之壽安可量
木槿

朝榮祇足悲靈椿大算何容抗君不見五松大夫在岱宗毒
流海內恨祖龍寧爲漢帝壇前栢莫作秦王嶺上松

釋堂集

盧巖行

傅作霖

六甕飛懸誰割半珠花倒瀉結素幔遊風抽碎鮫鮓絲滴入
枯石蠹紋亂久因烽火障幽岑物我重逢興不禁穿窟野魅
踏鼉舞啣嵐嬌鳥贈好音音歌婉轉暑氣清灑酒呼雲訊山
伴英雄削迹知幾許何事獨傳隱士名此情無限欲何之妬
歡狂雨來催詩闌蘿尋徑蒼烟晚今後明月繫相思

通志

嵩山漢栢

耿介

山之石何嶙峋水之洞何逶迤中有大樹謂足分云是漢封

三將軍力拔地軸勢掠雲盤薄川嶽氣氤氳枝如蒼虬抉幹
似青嶼裂雷電之所焮轟陰陽之所醪結魍魎遁踪狐兔莫
穴爾乃高秋夜半悲風急鞭打貔貅生霹靂細者蹂躪堅者
摧迅掃中原無鋒鏑君不見衛霍功貳師績英雄千古空寂
歷惟有嵩陽此物矍鑠真罕敵鍊骨撐撐凌峭壁

賦得嵩山爲比隣

耿介

我生嵩躋下荏苒六十春始而流離瑣尾之艱辛旣而宦海
風波之浮沉繼而疾病藥餌之侵尋邇來結廬嵩山釐得與
嵩山爲比隣朝夕相與情最真我去兮山黯澹我來兮山精
神二十四峯峯峯秀環列皆我之同人有時嵐氣正氤氳有

時谷口多閒雲有時清風響萬籟有時晚霞對夕曛有時皓
月映虛巖有時積雪戴層岑有樹兮巢白鶴有水兮游素鱗
客至兮澄泉可煮布席兮綠莎成茵溪邊可以談道石上可
以垂綸丹崖碧澗幽壑深林不論早暮不擇晴陰不拘寒暑
不分主賓磅礴終日相對忘言而莫逆于心其端方正直之
槩特立不撓儼然示我以行道先立身而長育羣彙萬物欣
欣又隱然示我以造化生物之仁我豈樂山而得山之性情
兮相與或默或語或往或來而或屈或伸抑優游養拙木石
爲侶兮麋鹿爲羣自同于聖世之逸民恐後來者嘆問津之
無路聊以此詩持贈君

以上敬
恕堂

同郭涓石

冉覲祖

大造產竒石鎮古植於此如何好事者指爲塗山氏禹也神
聖啟也賢事蹟分明垂經史異說紛紛徒浪傳堪供一笑而
已矣我來盤膝坐石陰石上題名難徧視白石斑駁成黛色
立臥合看應相似聞說前峯洞壑幽逸興飄飄振衣起北上
層巒一縱目莽莽山川自流峙

鐵梁峽

冉覲祖

攢峯老樹排千章驅除炎熱來清涼汲泉旋煮勝天漿
異狀各含芳鳴禽睨睨恣翱翔轉石墜礮聲琅琅下窺萬仞
何真茫直北兩崖忽分張隔林隱隱逗天光我欲度峽無鐵

梁焉能振衣凌高岡

以上
嵩吟

栢樹將軍歌

傅而師

君不見嵩陽老栢身崢嶸堙日磨霞天之楹漢皇曾此賜弓
矢實亦不知何代生恐是混沌之質萬卉之母幸遇知己之
主受恩于漢而得其名吁嗟將軍何縱橫毋論骨體之奇色
貌之古皮留雪霜榦排雷雨匝厚地以無垠盪長空而傲舞
凡鳥不敢巢其巔樵蕪不敢試其斧兄若弟兮連營亘天樞
而鎮中土卽其忠心浩氣力任折衝鶴髮虬髯長鍛短矐立
則如山岳鳴則如鍾鏞功成分茅于此處罔闡圖象避其鋒
其上誰鑿千百孔詢之士人皆曰相傳雲霧冥冥日此中曾

出幾千幾百大小之神龍夫亦疇測其始于何始而終于何
終吁嗟將軍何縱橫已矣哉酌金罍日車將翻地軸摧大樹
將軍已塵埃漢家又歷唐與宋愴然懷古空徘徊如今老將
無人識鵝鸛壁壘長蒿萊况逢亂後多翦伐恐君難保救時
才我欲起爾誅荆棘誰其叩闥天門開

枕煙
亭集

北邙山歌

田雯

黃河之北孟津野土石硠礫山之下千年代盡漢諸陵可憐
故物無石馬温洛東流翻日車洛神何處烟波斜行人日暮
輾轅道春風吹落北邙花

輾轅關放歌

田雯

五丁神力齊鬪彊二室鑿破森開張宏睿洞壑立門戶下疏
洛水奔洛陽車馬不從此地入途迷七聖風沙黃轆轤關自
何代始崎嶇犖角迴羊腸石子大者似石困小者彈丸如珠

光禹行治水錯伐鼓塗山氏女來相將野語創自淮南子搜
神述異何譎狂丑乳峯嵐但咫尺山椒神瀆紛低昂三素雲
涌駁霞漏吹笙王子摩青蒼天邪桃花路側塞翠坑天棘排
兩行驚瀧聲搖緱氏嶺匹練飛下金牛岡白髭老子游嵩客
八風四扈來徜徉春山淡冶迎人笑燕子戴勝鳴村旁便與
洪崖採藥去乎抄米序長生方雲駢一駕羣靈接上朝三十
六玉皇

盧巖瀑布

田雯

兩山忽張匹練垂欲斷不斷天風吹下注澗壑如奔馬山根
搖動駭鼓椎泉石膏肅那可假須尋佳處結茅舍爲語吾家
老游巖同來觀此瀑布者

以上古
歡堂集

洛陽女兒行

陳維崧

朝登洛陽城暮出洛陽道洛陽城中多女兒洛陽道上春風
吹陸機詞賦成名日王濬樓船得意時陸機王濬才華盛少
年游俠誇名姓金谷園開玳瑁樓銅駝巷掛珊瑚鏡女兒袪
服惜娉婷但願春醒不願醒挾彈只經宣曲觀吹簫常坐夕

易亭六街三市連青貫各下河知有江左賈克關內慣薰香

潘岳車前爭擲果永嘉名士正風流典午驕奢百不愁頃刻
南朝成六季須臾西晉已千秋桑田滄海難相待疇昔韶光
竟誰在朝內潛悲青蓋非城中暗泣紅顏改轅轅伊闕一番
新寂寂風光愁殺人只有北邙山下路蘼蕪還作洛陽春

雪後從偃師至登封度少室山嶠嶺

陳維崧

已酉首春月十七渡洛曉發楊林東嶙峋負黍忽拔地湧出
齒蒼攢蒼穹我行弭節躡絕頂歎飲灑氣蒸鴻濛是時萬山
正積雪砭岬鐵縞光玲瓏白踏中原莽浩浩紅摸暘谷光熊
熊恭聞嵩山壓天下五嶽異秩茲當中百王燔瘞誌昭報列
聖柴望彰尊崇我生江表若培塿何異斥鷃棲樊籠昨年驅

車走燕趙亦復羸馬經山東北恒東岱掉臂過探竒未獲登
龍從惟茲我更有夙契嶽靈憶昔叨帡幪前朝烹廟歲乙丑
余祖六袞孫得雄含節摩弄感神貺嘉名肇錫云維崧此行
詎料陟山麓禮合膜拜酬神功何爲過廟不敢入爾與童叟
將無同嗚呼此亦大有故貧賤自恨無終窮短衣蔽胼泥沒
蹠見此轉使山靈恫依人奔走覓衣食似爾豈得誇桑蓬揮
鞭掩面凌絕險矯若鸞鳥搏天風赴人山勢似相捕遮莫失
脚愁虛空

以上湖
海樓集

入少林書事

毛奇齡

嵩陽宮前山翠濃西行繫馬金牛峯新鶯啼歇綠楊裏潦水

倒入清溪中春寒衣袖晚來薄細雨濛濛灑幽壑林杪高穿
雙樹行巖前時見三花落崔嵬緝宇本金布上界鐘聲出雲
落殘碑萬堦讀未成暝色空廊坐來暮山深寂靜鮮人語松
頂微聞住春雨深厨野糞供晚餐竹牕新月明前塢老僧跌
坐爲我言北朝舊是祇陀園精藍洛下總稠襍此中絕壁無
攀援嵩邱相峙藏貝葉列祖持衣寡言說阿閣翻經降露華
中亭斷臂飛寒雪聞言憬然動我心恍對秋潭卧冰列夜夢
胡僧折予指不記前身迦葉子難尋澗底三昧泉且飲當前
八功水蘧蘧却枕蝴蝶飛晨光養樹看熹微滄滄赤日上瓊
壁太室少室爭光暉出門欲問來時路策馬悠悠何處歸

游石淙

毛奇齡

游石淙石淙不可渡倚翠屏兮有雲躡流泉而無路流泉激
激上有臺叢崑嶺石嶂中間崑前合沓流霞起石上玲瓏瀉
水來玲瓏細水瀉危石絕壁叅差望來隔觸溜微牽莎草紅
翻漚似覆蘋花白當年侍宴碧澗隅金輿玉漏開雲衢離宮
祕苑游仙女石畔崑邊到帝妹儼流泉之調瑟比鳴鳥于吹
竽今來獨上雲錦闕俯瞰長河跳流沫碧草薰開帳殿烟青
蘿捫待珠宮月珠宮帳殿不復留青蘿碧草綠溪流望美人
兮何處悵獨立兮山之幽山之幽兮水之曲春色芊眠兮水
波綠看蝶舞兮中林聽鶯啼兮深谷鶯啼深谷柳暗催銜衣

蛺蝶及春來只有流泉無旦暮年年石上白漈洞

以上西河文集

永寧程母節烈詩

潘耒

熊耳山頭賊如蟻磨牙殺人血流水千金白璧不受污哀哀
節婦投崖死節婦死孤兒悲投劍走馬東西馳興安將軍目
如電竒兒骨相封侯姿移師擊賊賊瓦裂懸頭牙門兒仇雪
行求母骸母有神身死不腐經六旬土人葬之七尺墳孤兒
求歸墳草新手提仇頭酌仇血母貞子孝垂千春草蕭蕭松
瑟瑟四十年來土化碧興安將軍紫騮馬故是當年報仇者

漢封栢

潘耒

世間之木誰最古嵩陽三栢無與伍一株火焚一半枯枯者

鮮枝猶楚楚一株獨完大百圍堅如金銅怪龍虎老幹駢立
直不欹孤根中蟠厚而膺磊砢節目凍凝霜蒼鬱枝條潤含
雨苔色黯淡追蠶鐘篆文班駁岐陽鼓童童雲外聳危幢嶽
嶽天中標一柱不知栽植自何年但說褒封經漢武夏后隨
山或顧瞻周公卜洛應摩撫明堂清廟用孫枝福地仙山留
鼻祖我行天下多壯觀但恨古樹多摧殘大夫松亡剩枯枿
七星檜朽留空欄怪松不見天台頂社橘無復湘江千孔庭
之檜亦半死菩提樹短無花看幸得覩此太古物氣象渾樸
神堅完商彝周鼎詎足竝如獲璧經字不刊金人辭漢茂陵
圯此栢無恙青檀藥所嗟人壽不如木蠹蛄朝菌良可嘆人

身亦有不朽物後天而老先天安但能洞徹見本性豈必膠

擾求還丹

遂初
堂集

讀葉司城封嵩游草賦贈

朱彝尊

客居通潞春復冬有如飢鳥仍投籠平生夢寐在五岳垂老
未覩嵩陽峰峰頭玉女定笑我那不控鶴鞭癡龍瓊漿勿飲
良可惜白髮滿鏡徒愁容葉君昔年宰登封莓苔洗字尋石
淙霞梯高高八百丈筍屨踏遍青芙蓉盧巖瀑飛一匹布鐵
梁峽偃千年松仙人十六時相逢間吹鷺管向明月有時髻
插三花穠漸川俞叟與君往來熟言君愛奇恒未足開筵爲
蒸玉面狸行藥曾騎雪色鹿測景還登測景臺道遙宛在道

遙谷偶然長嘯百里聞每遇殘碑三日讀不見囊中金石編
何殊集古歐陽錄崇文門西車轂擊十里黃塵眯人目下馬
尋君道名姓一笑情親爲鄉曲投我嵩陽詠百篇勝聽哀絃
與豪竹近來海內工詩格新城王君最雄獨一見君詩許絕
倫同調山來賞心速君今司城名藉甚栗果少年齊足跼入
門廳事半栽花插架圖書尚連屋作吏如君良不俗閒從巷
北期王君更許高齋醉醺醪金箱圖畫恣卧遊豈必盧鴻草
堂宿

曝書亭集

鐵梁峽

葉封

我聞嵩山曰如卧得坤之體直方大以擬其巔或坦平不知

巖壑殊縱橫緣岡陟磴路或狹小大稱名鐵梁峽崖崩側絕
天地懸欲斷不斷如絲聯此謂蠶腰度山脈亦如劍脊分中
邊小峽欹傾勢逼仄斗然劈破千尋直大峽豁豁乃更奇凌
空巨石相撐枝宿雨常侵紫苔澀霾雲暗度煙蘿垂是時秋
盡天瀟灑俯瞰寒光射村野若走驚泉倒壑流從知積雪留
崖下峽上巉巖開翠屏其陽可憇無茅亭下看絕壁臨寥廓
萬丈青蒼鬼斧削却顧疑身倚絳霄徒虛假羽騎黃鶴

黑石渡

湯右曾

昨從邗山來今從邗山去邗山朽骨萬萬古惟有行人朝復
暮黃金蝕盡白石爛螻蟻三泉尚知處我來欲酌酒一盃落

日荒荒下前渡

懷清堂集

關門行

新安一各鐵門

呂履恒

哀陳公也公諱顯元楚之蘄州人崇正壬午令新安以滑稽息民爲治時洛郡失守屬城邑皆墮公率民登鐵門砦日夜守陴不爲動賊檄公公碎其檄大罵賊怒并力攻之砦啟無少長皆屠公走且呼曰糾民守死者縣令也宜殺某勿苦我民賊不顧公持其刃呼益急遂殲焉其子某亦與難遺民三十六人爲之負土成墳予聞諸父老云

澗水奔山齧石根逆流百折趨鐵門鐵門山上壘培在居民曰是陳公屯瓦礫崩翻燒黔黑荒塚草白天黃昏猶傳壬午世反側函谷關潰無完邑我公陟巘闢巉石率民守死勿降賊賊覘睥睨聲方怒謂若區區何自苦公笑不答揮礮石槌

碎檄移營狗鼠黃巾萬衆并牛力飛鏃滿眼天地黑累卵難
支巢樹傾蒼顛黃口遭刳磔更張空券無所懼鬻眼血頸身
不仆同時哲嗣亦遭坑遺民負土營雙墓已矣哉天柱地維
昔崩摧金城鐵甕穿崔嵬北門鎖鑰墮燕薊上東門亦軍延
開翻城倒戈皆如此嗟公爲此一何哀春來杜宇猶啼血瓦
棺不朽常山舌落落青松三尺堆常照嵩峰萬古月

伊闕行

呂履恒

秋原何瑟瑟西風吹巷陌我行伊闕道俛仰感今昔伊闕由
來地勢雄屯雲嚙水倒長空澗瀝卜宅仍周甸伊洛安流溯
禹功周甸荒蕪那可問禹功磨滅巖厓盡秦漢而還多戰爭

六朝元魏東西晉此時天下無安土膏原血草民荼苦羅什
西來釋教興鑿山鑿石棲神宇方丈宏開地十洲浮圖高及
天尺五楊白花飛南渡江空王冥力願相降已出帑金鍍鐵
像還將宮錦繡珠幢鈴鐸聲聞十里餘白毫光照月生初朱
門玉粲僧徒餒餓殍枯骨填空渠吁嗟乎重華之世民鼓腹
其時穀貴於珠玉絕地天通厭鬼謀枕席蒼黎日不足如之
何輕用民力至此極使民饑弗食勞弗息吞聲向天不敢泣
紛糜血肉塗巉石瓊宮金地今何在陰厓惟見幽磷碧如之
何輕用民力至此極

後伊闕行

馬履怕

青山忽破飛流洩吞吐天光互明滅東走嵩山西下秦中原
萬里開天闕天闕高高矗碧空中原漠漠見飛鴻山鳥聲移
紅樹外行人影在綠波中兩龕石佛多無數面對城中歌舞
處當年歌舞已成塵惟有鐘聲敲白露

石淙歌

呂履恒

噫歔歔石淙之水絕不類沱與瀦天根地軸相盤紆其下蛟
龍之所宅鼇鼉之所居其上高高入太虛或爲伏獸或爲飛
鳧使非良久睇觀之安知鬱鬱者松蒼蒼者石乎噫歔歔彼
造物者誠有無剖裂元氣矜寰區橐籥一鼓扇衆竅爭號呼
女媧鍊石不可補中有大小石室藏靈書露書之中何言辭

沐日浴月人不知有客宛轉欲探竒恨無謝朓驚人詩劃然
長嘯山谷間恍如子晉清簫吹百靈躩踞一時至雲車風馬
不可追三州自綿亘二室徒參差回首叫周且定鼎幾何時
奈何風雨會和地竟使妖壘駐蹕於其間銘穢功而鏡淫辭
惜哉石淙蒙此耻願比山霧一洗之須臾峽中雷雨作吞山
倒石翻盆惡虺喧宇宙相迴薄此時耳目無所寄猿蹲蝟縮
驚霧異始知天地秘其實不使冥搜遐覽無餘意返而登高
青天沈瀟日出當心萬象烈燒但聞林木聲窸窣低洪濤又
見瀾瀾白雲濕芙蓉翠落人煙出陰陽多變化萬事安可測
噫歔歔石淙之水其竒也如此彼造物者有之矣我爲佯狂

此山不獨紀登臨而已

青要山行

山經云是惟帝之密都有黃花赤實服之延壽

呂履恒

黃河南岸臨山巔青要名山山經傳亂石驚濤一綫路羣峰

東走如飛仙是惟上帝之都會胡爲乎陰陽轆轉爭天權亭

午不能見日月魑魅晝行無人煙其下蒙茸裏人足其上豺

虎摩人肩我欲杖策闢此道手無斧柯心茫然巖前松柏鬱

不發竒峰麗石皆淪沒不見黃花赤實仙但見荒煙古戍天

寥濶南村有吏橫索錢手弓步畝量石田僕夫恐懼趨馬還

波聲漸小鳴澗淩嗚呼何時比屋安眠無吏過使戟登山臨

水開心顏

以上夢月巖集

夾馬營

查慎行

櫪馬驚嘶嘶不止紅光夜半熊熊起男兒墮地稱英雄檢校
還朝作天子陳橋草草被冕旒版籍不登十六州却將玉斧
畫太渡肯遺金戈踰白溝隔河便是遼家地鄉社枌榆委邊
鄙當時已少廟清功莫怪孱孫主和議君不見蛇分鹿死闕
西京豐沛歸來燕代平至今芒碭連雲氣不似蕭蕭夾馬營

游石淙

呂謙恒

亂山硤礪疑無路披盡蒙茸向烟霧澗水淙淙忽有聲崩崖
石罅相迴互其下深潭一千尺俯視蒼黑不敢立夜半時聞
雷雨鳴潛虬跋浪閒出入激湍噴薄結輪風虛洞盤回若履

空靈骨原從天地開，嶽嶠不與斧鑿同。捫壁穿雲歎奇絕，古
碑剝落苔蘚色。妖后當年駐翠華，詞臣扈從爭班筆。嗟乎石
淙多，此名箕山頽水空。相惜十年負海嶽，志徙倚高天生。
遠思歸來月照松，窻明夢魂猶遶雙峯翠。

栢樹將軍歌

呂謙恒

嶽麓南偏三古栢，迸根遙浸前溪石。劈面蒼崖忽倒垂，眼前
突兀驚山坼。大者徑可七人圍，次亦五人勢相埒。象風象雨
肖厥形，枝葉攫拏互杌隄。其一傳聞圍三人，火餘金刼封萌
蘖。錯倚離立狀不同，鐵膚剝盡青銅黠。二十四峰濕翠灑，沐
日浴月盪精魄。雲來氣擁天門青，月出光連少室白。六月扇

風暑欲盡森森毛骨寒生劇白日雷雨爭晦明變化陰陽在
倏忽吁嗟乎軒皇鑄鼎自何年秦帝鞭石傳怪跡大夫之松

既朽蠹天仙孤幹全崩砮

密縣天仙宮
白松今枯

神物豈受雷火劫榮

枯無乃因天厄呼吸閭闔帝座通輪囷倒壓山楹窄飽經雪
霜閱歲寒飈憶奧境初開闕天使獄靈成邁會人因賜爵爭
咄惜武帝陵闕松柏盡秦川何處空硯

以上青
要集

田橫墓

劉青黎

洛陽城東三十里道北有塚巋然起殘碑剝落字依稀云齊
田橫葬於是旁一小邱耐東偏想是從來之二士陳詞薦酒
憶昌黎四顧慨然嘆不止雄心不受北面辱乘傳胡爲乎至

此一旅一成自可王五百人况如虎兕海島焉知非沛上長
驅逐鹿中原壘不然割據伯一方尉佗南越亦其比縱事不
成葬魚腹猶愈刎身尸鄉裏吁嗟成敗亦偶然龍準翁特僥
倖耳箕倨嫚罵溺儒冠從遊者誰知廉耻假令三尺劍不靈
鴻門不死彭城死蕭曹豈是仗節人子房早從赤松子得士
雖未免劔鏃擾擾終能夠知己

宋陵行

劉青黎

前有崧高後北邙伊洛縱橫盤中央青龍掉尾紫金接天水
遺冢紛低昂殿宇灰飛松楸盡殘碑斷碣橫夕陽伊昔東都
全盛日朝陵儀制何煒煌金吾百里罷傳呼黃麾仗絡開湖

傍素衣步入司馬門百官鱗次鳴璆琅歲時二仲奠宗正冬
衣捧獻來嬪嬙七世相沿成故事青城禍起殊淒涼懷愍蒙
塵瑯琊南翠微不守熊羆亾驪山銀海九嶼匣摸金何代無
中郎神臺壘裂特諱辭南山雖錮得無戕十二金牌棄兩河
護陵劉湛空相償澗水盈涸亦偶然可憐父老夸貞祥五國
遊魂置腦後含桃那問金粟岡轉眼厓山颶風起蘭亭真帖
尤堪傷冬青樹上靈禽飛法惠寺名遙祀復何望雪晴日暖西
京道昨朝夾馬今隋倉歷歷興亡在眼底臨風三嘆獨傍徨
回頭却憶陳橋驛黃袍擁戴日無光以上高陽集

中岳廟

顧嗣立

五岳作鎮爭神臯中央獨秀維嵩高三公祭秩萬古昭牲燹
致敬乘星輶憶從漢武來旌旂黃雲如蓋垂山椒唐宗隆禮
薦血骨加封王爵示不祧門開闔闔吹清飈就中樓觀連雲
霄複房閣道結構牢古栢森立青不彫鐵幹正直抽新條寶
藏堆積縱火燒金人對立如相招耽耽正殿除煩歆冕旒龍
袞象簡朝文臣武將分羣僚闌干白石襄瓊瑤後宮翟芾懸
輕綃竹簾花影搖深宵倒身甘寢忘昏朝婦女拜叩福可徼
毋乃褻慢神明嘲陽城遺跡傳唐堯詩咏峻極歌且謠申甫
下降精神交中原清氣鍾吾曹褒崇僭越末俗囂黃冠廟令
徒矜驕自從明祖排喧呶釐正封號煩文消

聖皇混一宵旰勞五風十雨時序調遣官絡繹包菁茅金泥
玉檢升嶢嶢峰頭玉女鳴仙璫緱山騎鶴吹玉簫石生九節
菖蒲苗慶雲黼黻二塗飄遙呼萬歲聲啣嘈

漢封栢歌

顧嗣立

吾聞天三生木渾沌開凝結元氣成胚胎青帝茫茫下視
中土一聲霹靂三栢迸出嵩山隈五代之前自太古傳說褒
封始漢武陽足亭亭莫與京號以將軍稱大樹其一化去隨
祝融至今畫圖貌入青濛濛其一海鵬風起乍摧折半死半
生偃卧龍就中一株獨駢植林立庭前森森正且直彭亨巨
腹百千圍如石如銅變奇色滿身剝落錯綺紋中心空洞通

煙雲嚴霜凍雨侵不壞螻蟻遐避噴氤氲憶從堯季甲子至
元明天下紛紛幾戰爭南遷北渡陵谷換地坼天分荆棘生
山石爛爲灰桑田變作海虎倒龍顛靜不知獨力支撐千萬
載闕盡興亡三十朝盤踞峰前色不改當季仙觀集黃冠羣
眞珮響棲鳳鸞於今絃誦方濟濟諸生講解供盤桓我來獨
繞百匝久顧影摩挲傷白首王侯將相一去不復還巧拙賢
愚總何有豈如此栢車蓋狀童童雲爲幕風爲帚二室中間
萬古青應與六十之峰長不朽

北邙山

顧嗣立

北邙山山突起綿亘連延一千里中有王侯將相墳松栢悲

風吹不已道旁高下何纍纍古人試問存者誰野夫耕田得
寶玉白骨委地眠狐狸北邙山漢陵始唐宋英靈半來此郊
原浩蕩四時宜可惜風光盡屬鬼

以上嵩
岱集

華蓋峯歌

聖製
恭和
元韻

錢陳羣

未聽海客瀛洲談

李白詩海
客談瀛洲

尋音攬異休與南

山經嵩山
在休與南吾

皇時邁典禮叅雲罕拂拂飄風縝百神呵護民心忭禮成陟

巘留清探茲峯高大冠中岳中次十九無不函

邢昺云嵩山
在中之次以

高大昭嶢巘岬勢欲添霞擁樹絡標晴嵐惟

聖靜壽樂且耽山與仁遇山無慙解以怡然會以恬元氣蓬

勃惟所堪如企如翼如削巉圖經註漏皆不凡宅中毓秀六

合咸以土配德非森嚴仰尊一人弟子男

聖母停輿香淨拈神光似簇浮圖尖瑞靄郁郁萬木含散作

芝篆襲衣襟

叶

曰頌曰洞曰衍谿縈繞河浴中仍溪實者布

覆空者嵌每於勝處藏精藍變見融結百草醜四時佳氣景

物兼况感德意溥旣覃如以袈紫被瞿曇昭回所及伏怪險

叶

陋彼天柱稱皖潛篤生申甫調梅鹽涼秋新寒肅千巖霜

楓露榭顏欲酣奇松古檜垂甍甍 六龍北指回天驂駟黃

駝駱驪馭驪輶輶坂峻迴層巘豈惟天孫魯是瞻天中式序

秩可規東西朔南同列三

香樹齋集

香山寺

桑調元

龍門香山夾大川左右飛翠衝波漩交流伊洛嚙頭堅朝陽
夕陽精鐵然賓陽黝洞伊闕連一根筇竹豁衒穿渡河一葉
輕洞沿白公剏寺涯東偏清閑微之引勝緣梵王巨利標危
巔十寺強半陳跡澀此獨兀突撐中天時巡

聖主臨澗瀝罕蹕縹緲靈山前樓臺岼起金碧鮮 奎文煥

爛照坤乾銀鉤勒石蛟龍纏紫氛騰騰護雕樛琳宮增耀垂
千年王城邑子頂禮虔桃花仕女來珠駟衆香寶地肅芊芊
孤園隨喜何駢闐畸人覽古踏蒼烟亭臺高下行蹠躋醉吟
翁草翻遺編紗巾草履思古仙乘化歸去留荒阡山川陵谷
縱變遷清文不沒清光延序文持比金谷賢俗塵侶得犀辟

蠶西厓右曾風雅藹孤騫栽培封樹清墓田退谷汪公筆勢

尤翩翩擘窠大字精雕鐫重之不異珍珠船晚春光景飛榆
錢攢鋪一徑楊花羶悠然倚樹聽流泉坐看長河落日圓平
沙宿鷺紛聯拳薄衣白袷聳吟肩詩成揮在銀光箋好事或
作蛟蛇憐清遊不用姓名傳形模高穎濶兩顧濟勝未覺腰
脚孱去矣疾若箭離弦一彎明月松間懸

漢栢

桑調元

元氣盤鬱嵩之陽有栢離立參天長問年直在彭聃上羸劉
何足論興亡一株鐵幹蟠蒼昊蒼皮鱗皴白骨老東頭飛柯
百尺枯巨斧斫斷虬龍爪佳哉生氣何婆娑枝條蓊蔚形嵯

峨半人喜得習鑿齒全人疑視哀駘它其一磅礴更奇絕周
遭七圍蘚皮裂輪囷空腹雷火燒風雨濤奔穿洞穴是中廓
落可容人盤根不動何嶙峋空明豁達透日月正直昂藏驚
鬼神古來英君稱漢武封禪曾經過中土猥加封號大將軍
千載猶錄羣芳譜通天臺上祈仙靈金盤承露凌高旻劉郎
亦是秋風客茂陵松栢摧爲薪巍然此樹形模久螭篆龍文
互轉紐仙宮梵宮幾劫灰人生安得如汝壽汝邀天幸更堪
論三株僅有兩株存君不見書院空階餘石壘當時共拂蒼

烟痕

放歌行登峻極峯作

桑調元

萬崑祖脈青龍從兩戒巖寧爭豪雄河山環拱此隩宅崧高
拔起天當中灑氣呵噓對噴薄離合太少分西東華蓋童童
赤霄上旂旃瓔珞垂高空霞氛輝赫照帝所瀛寰萬嶺齊朝
宗神房白晝起烟霧嵌竇騰湧陽光紅岱衡恒華儼列笏天
門誅蕩開鴻龍石樓千尋駕紫翠丹梯逕絕風雲通菖蒲九
節雜瑤艸繽紛石上香茸茸神仙恍惚善狡獪風袂難把浮
塵俗漢武登封集靈瑞茂陵烟樹藜蒿蓬金繩玉檢復自証
若呼萬歲驚懸象

會皇曆識萬齒陞彼封禪誇神功稽古典禮時巡狩燔柴
秩祀臨中嵩乘凌周道至峻極飛龍直上第一峯乾坤磅

礪發 天藻穹碑鐫鑿厓磨礪野人夙願遍五嶽發軔此地
標遊蹤青鞋布襪便登陟半空巒磴盤孤筇二十四峯羅烏
底咫尺少室雪嵐重放眼層空周八表齊州極覽烟濛濛飛
光削影射絕壁日車彈節踰高春芙蓉萬朶金明滅一披竒
觀排心胸默禱神靈毓申甫永贊鴻號熙無窮烟庭樾館天
結構草堂作計棲盧瀉

以上發甫集

華蓋峯歌

恭和聖製元韻

劉綸

神鼇六柱非妄談中權今見河之南密耶崧耶說互叅鈞鈐
垂芒紛纒縵會朝烏奕羣靈快虞書四巡牒可採中央虛位

戒幽屈臧滕孰啓靈威函元圭告功註腳添外方名僅儕煙

岸七十二世彌文耽金泥玉檢徒滋慙生逢

聖時樂遂怙富媪爲輿泰壹堪銘德豈待刊青巉祠官廟碣
紀太凡將陽謾或調莖咸祀以其秩禮數嚴上公領侯伯子
男修廊變相森難拈刀輪軋軋劔樹尖沆漭凌晨仙蹠含山
河滿眼宜披襟叶

飛龍引鞚忘欲谿下者不舉上不窺地維包絡迷空嵌天極
低昂辨蔚藍蘘荷蓄草香醞醜礫雲忽起罡風兼真形欲獻
精畢罩九區叶蓋如鉢曇象射得句驚鑿險叶朔圖劭儀同

表潛骨骼媿弗勝車鹽跛疥泥當九曲巖胷中卸壑撐婪酣
胎襁開籠吐叶韞伊尼出檻球騰驂豪駭敢自誇有驛芒鞵

黃緣厓與岷高高日觀前仰瞻深深玉井後竊覘

臣以丙辰赴召

試經泰岱辛酉奉使過華陰

五嶽何幸遊其三

繡庵內集

杜工部祠

在鞏縣張月槎太史嘗題曰詩聖故里

呂守曾

卽嶺東來勢不齊殘河之西金薜剝落字難捫空來

繫馬綠楊枝雞皮野老相邀坐淡水濃陰憇少時指點路東

新廟堂建自周南張太史額曰詩聖杜工部當年篤生在此

里天地間氣鍾一身穆然詩思含真宰一飮不敢忘君國可

但區區驚神鬼新安石壕恣苦吟西去北征徒憂死後世詩

人皆師承契合非詩以性始太史名集傳河洛爲聖者徒應

知此有唐刻今已卅年請爲太史屈一指

松坪詩州

少

未
楓

昔年汝海看少室九葉蓮花漾岸嶺駐屐渾忘百里遙峯峯
翠聳雲中出今年杖策少溪橋六六峯高早見招情如會面
權何極空林吹袂風蕭蕭

排山集

補遺

洛陵

宋
程忘吾

日射石虬鱗甲開草色又換青春回精靈聚散豈拘束山兔
叫呼松柏哀當時沸天簫鼓動今日悲風陵上未忽忽古今
成傳舍人生有清淚盈把乾坤誤落腐儒手只遣空言雷汗
馬西晉風流絕可人悵望千秋共瀟灑

忠義集

按此詩見忠義谷音二集
因志成後始得補于後

河南府志卷之一百

藝文志二十四

詩五 五律

唐

臨洛水

太宗

春蒐馳駿骨總轡俯長河霞處流縈錦嵐前漾卷羅水花翻
照樹堤蘭倒插波豈必汾陰曲秋雲發棹歌

文苑
英華

奉和聖製初出洛城

張九齡

東上淹龍駕西人望翠華山川祇詢物宮觀豈爲家十月回
星斗千官捧日車洛陽無怨思巡幸更非賒

文粹

天津橋東旬宴得歌字韻

張九齡

清洛象天河東流形勝多朝來逢宴喜春盡却妍和泉鮪歡
時躍林鶯醉裏歌賜恩頗若此爲樂奈人何

同上

送蘇主簿赴偃師

張九齡

我與文雄別胡然邑吏歸賢人安下位鷺鳥欲卑飛激節輕
華冕移官徇綵衣羨君行樂處從此拜庭闈

同上

幸少林寺應制

宋之問

紺宇橫天室回鑿指帝休曙陰迎日盡春氣抱巖流空樂繁
行漏香烟薄綵旂玉膏從此泛仙馭接浮邱

本集

扈從登封途中作

宋之問

張殿鬱崔嵬仙遊實壯哉曉雲連幕捲夜火雜星回谷暗千
旗出山鳴萬乘來扈從良可賦終乏挾天才

同上

扈從登封告成頌

宋之問

複道開行殿鉤陳列禁兵和風吹鼓角佳氣動旗旌後騎迴
天苑前山入御營萬方俱下拜相與樂昇平

同上

崧山嶺應制

宋之問

翼翼高旌轉鏘鏘鳳輦飛塵鈿黠蹕路雲濕從臣衣白羽搖
丹壑天營逼翠微芳聲耀今古四海警宸威

同上

緱山廟

宋之問

王子賓仙去飄飄笙鶴飛徒聞滄海變不見白雲歸天路何

其遠人間此會稀空歌日云暮霜月漸微微

同上

陸渾山莊

宋之問

歸來物外情負杖閱巖耕源水看花入幽林採藥行野人相
問姓山鳥自呼名去去獨吾樂無然愧此生

同上

故洛陽城侍宴應制

姚崇

遊豫停仙蹕登臨對晚晴川鳧連倒影巖鳥應虛聲野奏風
成曲山居雲作纓今朝邱壑上高興小蓬瀛

文苑
英華

春日洛陽城侍宴

姚崇

南山開寶歷北渚對芳蹊的歷風梅度參差露草低堯

上席舜樂下前溪任重由來醉乘酣志轉迷

同上

奉和洛陽翫雪應制

沈佺期

周王甲子旦漢后德陽宮灑瑞天庭裏驚春御苑中氛氲生
浩氣颯沓舞回風宸藻光盈尺慶歌樂歲豐

本集

嶽館

沈佺期

洞壑仙人館孤峰玉女臺空濛朝氣合窈窕夕陽開流澗含
輕雨虛巖應薄雷正逢鸞與鶴歌舞出天來

同上

遊少林寺

沈佺期

長歌遊寶地徙倚對珠林雁塔風霜古龍池歲月深紺園澄
夕霽碧殿下秋陰歸路煙霞靦山蟬處處吟

同上

進船泛洛水應制

孫逖

禁園紆睿覽仙權叶時游洛北風花樹江南彩畫舟芳生蘭
蕙草春入鳳凰樓興盡離宮暮煙光起夕流

本集

洛

李嶠

九洛韶光媚三川物候新花明丹鳳浦日映玉雞津元禮期
仙客陳王覩麗人神龜方錫瑞綠字重來臻

文粹

歸嵩山作

王維

清川帶長薄車馬去閑閑流水如有意暮禽相與還荒城臨
古渡落日滿秋山迢遞嵩高下歸來且閉

右丞集

陸渾水亭

祖詠

晝眺伊州曲巖闢霽色明淺沙平有路流水漫無聲浴鳥沿

波聚潛魚觸釣驚更憐春岸綠幽意滿前楹

文粹

洛陽東門送別

儲光義

東城別故人臘月遲芳辰不惜孤舟去其如兩地春花明洛陽苑水緣小平津是日不相見鶯聲徒自新

文粹

上巳洛中寄王九迥

孟浩然

卜洛成周地浮杯上巳筵鬪雞寒食下走馬射堂前垂柳金堤合平沙翠幙連不知王逸少何處會羣賢

襄陽集

陪張丞相登嵩陽樓

孟浩然

獨步人何在嵩陽有故樓歲寒問耆舊行縣擁諸侯林莽北彌望沮漳東會流客中遇知己無復越鄉憂

同上

贈蕭河南

韋應物

厭劇辭京縣，襄賢待詔書。
鄼侯方繼業，潘令且閑居。
霽後三川冷，秋深萬木疎。
對琴無一事，新興復何如。

蘇州集

示從子河南尉班

并序

韋應物

永泰中，余任洛陽丞，以撲扶軍騎時，從子河南尉班亦以剛直爲政，俱見訟於居守，因詩示意，府縣好我者，豈曠斯文。

拙直余恒守，公方爾所存。
同古朱烏剋，俱起小人言。
立政思懸棒，謀身類觸籓。
不能林下去，祇戀府廷恩。

同上

送澠池崔主簿

韋應物

邑帶洛陽道，年年應此行。
當時匹馬客，今日縣人迎。
暮雨投

關郡春風別帝城東西殊不遠朝夕待佳聲

同上

任洛陽丞答前長安田少府問

韋應物

相逢且對酒相問欲何如數歲猶卑吏家人笑著書告歸應
未得榮宦又知疎日日生春草空令憶舊居

同上

送陳子歸陸渾別業

岑參

雖不舊相識知君丞相家故園伊川上夜夢方山花種藥畏
春過出關愁路賒青門酒壚別日暮東城鴉

嘉州集

送故房相公靈輓歸東都

杜甫

遠聞房太守歸葬陸渾山一德興王後孤魂久客間孔明多
故事安石竟崇班他日嘉陵涕仍沾楚水還

工部集

重題鄭氏東亭

杜甫

華亭入翠微，秋日亂清暉。
崩石歛山樹，清漣曳水衣。
紫鱗衝岸躍，蒼隼護巢歸。
向晚尋征路，殘雲傍馬飛。

同上

龍門

杜甫

龍門橫野斷，驛樹出城來。
氣色皇居近，金銀佛寺開。
在還時屢改，川水日悠哉。
相閱征途土，生涯盡幾迴。

同上

過宋員外之問舊莊

杜甫

宋公舊池館，零落首陽阿。
枉道祇從入，吟詩許更過。
淹留問耆老，寂莫向山河。
更識將軍樹，悲風日暮多。

同上

洛陽

杜甫

洛陽昔陷沒胡馬犯潼關天子初愁思都人慘別顏清笳去
宮闕翠蓋出關山故老仍流涕龍髯幸再攀同上

送孟十二倉曹赴東京選

杜甫

君行別老親此去苦家貧藻鏡留連客江山顛頓人秋風楚
竹冷夜雪聳梅春朝夕高堂念應宜綵服新同上

憑孟倉曹將書覓土婁舊莊

杜甫

平居喪亂後不到洛陽岑爲歷雲山問無辭荆棘深北風黃
葉下南浦白頭吟十載江湖客茫茫遲暮心同上

洛陽作

張繼

洛陽天子縣金谷石崇鄉草色侵官道花枝出苑牆書成休

逐客賦罷遂爲郎，貧賤非吾事。西遊思自強。

全唐詩

歸渡洛水

皇甫冉

暝色赴春愁，歸人南渡頭。渚煙空翠合，灘月碎光流。澧浦饒芳草，滄浪有釣舟。誰知放歌客，此意正悠悠。

同上

洛陽早春

顧況

何地避春愁，終年憶舊遊。一家千里外，百舌五更頭。客路偏逢雨，鄉山不入樓。故園桃李月，伊水向東流。

同上

送李員外院長分司東都

韓愈

去年秋露下，羈旅逐東征。今歲春光動，驅馳別上京。飲中相

顧色送，後獨歸。情兩地無千里，因風數寄聲。

文公集

遊少林寺

戴叔倫

步入招提路因之，訪道林石龕苔蘚積香徑。
白雲深雙樹含秋色，孤峰起夕陰。
屨廊行欲遍，回首一長吟。全唐詩

洛陽河亭奉酬留守羣公追送

李益

離亭餞落暉，臘酒減春衣。
歲晚煙霞重，川寒雲樹微。
戎裝千里至，舊路十年歸。
還似汀洲雁，相逢又背飛。同上

送友人還洛

李端

去國渡關河，蟬鳴古樹多。
平原正超忽，行子復蹉跎。
去事不可想，舊遊難再過。
何當嵩岳下，相見在煙蘿。同上

送太易上人赴東洛

司空曙

河東府志 卷之十一 藝文志 七 詩五

遙見登山處青燕雪後春雲深岳廟火寺宿洛陽人餌藥將
齋折唯詩與道親凡經幾回別塵尾不離身同上

洛陽清明日兩齋

李正封

曉日清明天夜來嵩少雨千門尚煙火九陌無塵土酒綠河
橋春漏閑宮殿午遊人戀芳草半犯嚴城鼓同上

送盧處士歸嵩山別業

劉禹錫

世業嵩山隱雲深無四鄰藥爐燒姪女酒甕貯賢人晚日華
陰霧秋風函谷塵送君從此去鈴閣少談賓隨州集

罷郡歸洛陽閑居

劉禹錫

十年江海守旦夕有歸心及此西還日空成東武吟花間數

杯酒月下——張琴聞說功名事依前惜寸陰

上

酬李相公喜歸鄉國自鞏縣夜泛洛水見寄

劉禹錫

鞏樹煙月上清光含碧流且無三已色猶泛五湖舟
鵬息風還起鳳歸林正秋雖攀小山桂此地不淹留

同上

和李相公初歸平泉過龍門南嶺遙望山居卽事

劉禹錫

暫別明庭去初隨優詔還曾爲鵬鳥賦喜過鑿龍山
新墅煙火起野程泉石間嚴廊人望在只得片時閑

同上

河南府試贖帖賦得鄉飲酒詩

呂溫

酌言修舊典刈楚始登堂百拜賓儀盡三終樂奏長想同鶯

出谷看似雁成行禮罷知何適隨雲入帝鄉

全唐詩

授太子賓客歸洛

白居易

南省去拂衣東都來掩扉病將老齊至心與身同歸白首外

緣少紅塵前事非懷哉紫芝叟千載心相依

長慶集

履道春居

白居易

微雨灑園林新晴好一尋低風洗池面斜日拆花心
暝助嵐

陰重春添水色深不如陶省事猶抱有弦琴

同上

歸履道宅

白居易

驅吏引藤轡家童開竹扉往時多暫住今日是長歸
眼下有

衣食耳邊無是非不論貧與富飲水亦應肥

同上

夜從法王寺下歸嶽寺

白居易

雙刹夾虛空緣雲一徑通似從忉利下如過劔門中燈火光
初合笙歌曲未終可憐獅子座昇出淨名翁

同上

香山下卜居

白居易

老須爲老計老計在抽簪山下初投足人間久息心亂藤遮
石壁絕澗護雲林若要深藏處無如此處深

同上

西還壽安路西歇馬

白居易

槐陰歇鞍馬柳絮惹衣巾日晚獨歸路春深多思人去家纔
百里爲客只三旬已念紗窗下應生寶瑟塵

同上

初歸平泉過龍門南嶺遙望山居卽事 李德裕

初歸故鄉陌極望且徐輪近野樵蒸至平泉煙火新農夫饋

雞黍漁子薦霜鱗惆悵懷楊僕慚爲關外人

會昌一品集

洛中士君子多以平泉見呼愧獲方外之名因以此詩

爲報奉寄劉賓客

李德裕

非高柳下逸自愛竹林閑才異居東里愚因在北山徑荒寒

未掃門設晝長關不及鴟夷子悠悠煙水間

同上

春暮思平泉雜詠

選十一首中有五古以類相從故併附入

李德裕

遠村寒食後細雨度川來芳草連谿合梨花映墅開槿籬

落照松經長新苔向夕亭臯望遊禽幾處回

望伊川

幽居人世外久厭市朝喧蒼翠連雙闕微茫認九原殘紅映
鞏樹斜日照轆轤薄暮柴扉掩誰知仲蔚園

書樓
晴望

高秋對涼野四望何蕭瑟遠見鳴皋山青峰原上出晨興採

薇蕨向暮歸蓬草詎假數揮金餐和養餘日

西嶺望
鳴皋山

向老多悲恨悽然念一邱巖泉終古在風月幾年遊菌閣饒

佳樹菱潭有釣舟不如羊叔子名與岷山留

瀑泉
亭

激水白山椒析波分淺瀨回環疑古篆詰曲如縈帶寧翹羽

觴遲惟歡親友會欲知中聖處皓月臨松蓋

流盃
亭

近蓄東谿水悠悠起淥波綵駕留不去芳草日應多夾岸生

竒篠緣巖覆女蘿蘭橈思無限爲感濯纓歌

東谿

西園最多趣，永日自忘歸。石瀨流清淺，風岑澹翠微。曉翻紅

藥豔，晴裊碧潭輝。獨望娟娟月，宵分半掩扉。

西園

清刻與巖湍，潺湲皆可憶。適來玩山水，無此秋潭色。莫辨幽

蘭叢，難分翠禽翼。遲遲洲渚步，臨眺忘餐食。

雙碧潭

野竹自成徑，繞溪三里餘。檀欒被層阜，蕭瑟蔭清渠。日落見

林靜，風行知谷虛。田家故人少，誰肯共焚魚。

竹徑

蕙草春已碧，蘭花秋更紅。四時發英豔，三徑滿芳叢。秀色濯

清露，鮮輝搖惠風。王孫未知返，幽賞竟誰同。

花藥欄

五嶽徑雖深，遍遊心已蕩。苟能知止足，所遇皆清曠。七七難

可期，一邱乃微尚。遙懷少室山，常恐非吾望。

自敘

懷伊州郊居

李德裕

衰疾常懷土郊園欲掩扉雖知明目地不及有身歸鞏樹秋
陰逼伊原霽色微此生看白首良願已應違

同上

寄陸渾縣尉李景先

姚合

微俸還同請唯君獨自閑地偏無驛路藥賤管仙山月色生
松裏泉聲在石間吟詩復飲酒何事更相關

全唐詩

天津橋晚望

顧非熊

騎登洛橋望寒色古槐稀流水東不息翠華西未歸雲收中
岳近鐘出後宮微回首禁門路羣鴉度落暉

同上

洛中游眺貽同志

許渾

康衢一望通河洛正天中樓勢排高鳳橋形架斷虹遠山晴
帶雪寒水晚多風幾日還攜手鳥鳴花滿宮

丁卯集

早發壽安次永濟渡

許渾

東西車馬塵鞏洛與咸泰山月夜行客水煙朝渡人樹涼
皓皓灘淺石磷磷會待功名就扁舟寄此身

同上

洛中秋日

許渾

故國無歸處官閑憶遠遊吳僧秣陵寺楚客洞庭舟久病先
知雨長貧早覺秋壯心能幾許伊水更東流

同上

寄河南鄭侍郎

薛能

三峽與三壕門闌夢去勞細冰和洛水初雪灑嵩高大雅

由接微榮亦已逃寒窗

不可寐風地葉蕭騷

全唐詩

洛陽道中寄弟

賈島

趨走迫流年慙經此路

偏密雲埋二室積雪度三川生類梗

萍泛悲無金石堅翻鴻

有歸翼極目仰聯翩

長江集

送劉式洛中覲省

賈島

晴峯三十六侍立上春

堂同宿別離恨共看星月迴野鶯臨

苑語河權歷江來便寄

相思札緘封花下開

同上

過洛陽城

于武陵

一作于鄴

古來利與名俱在洛陽城九陌鼓初起萬車輪已行周秦時

幾變伊洛水猶清二月平橋路鳥啼春草生

全唐詩

宿壽安甘棠館

司馬扎

行人方倦役到此似還鄉流水來關外青山近洛陽溪雲歸
洞鶴松月半軒霜坐恐晨鐘動天涯道路長

同上

送洛陽崔員外

周繇

塞詔除嵩洛觀圖見廢興城遷周古塹地列漢諸陵日送歸
朝客時招住嶽僧郡齋臺閣滿公退卽吟登

同上

送韓處士歸少室山

張喬

江外歷千岑還歸少室吟地閑緜嶺月窗迴洛城砧石竇垂
寒乳松枝長別琴他年瀑泉下亦擬置家林

同上

寄中岳顓頊先生

張喬

先生顓頊後得道自何人松栢卑於壽兒孫老却身夜窗峰
頂曙寒澗洞中春戀此逍遙境雲間不可親

同
上

早登新安縣樓

羅隱

關城樹色齊往事未全逃塞路兵人氣封門壯士泥草濃延
蝶舞花密教鶯啼若以鳴爲德鸞皇不及鷄

詔諫
集

寒食洛陽道

吳融

路岐無樂處時節倍思家綵索颺輕吹黃鸝啼落花連軋馳
寶馬歷祿鬪香車行客勝回首看看春日斜

全唐
詩

經故洛城

王貞白

卜世何久遠由來仰聖明山河徒自壯周召不長生幾主任

姦諂諸侯各戰爭但餘崩壘在今古共傷情

同上

弔北邙

曹松

山下望山上夕陽看又曛無人醫白髮少地著新墳
歲代殊相遠賢愚旋不分東歸聊一弔亂木倚寒雲

同上

金谷園落花

李建勳

愁見清明後紛紛蓋地紅惜看難過日自落不因風蝶散餘
香在鶯啼半樹空堪悲一尊酒從此似西東

同上

送贊律師歸嵩山

清江

禪意歸心急山深定易安清貧修道苦孝友別家難
雪路侵溪轉花宮映嶽看到時瞻塔暮松月向人寒

同上

宋

過錢文僖公白蓮莊

歐陽修

城南車馬地行客過徘徊野水寒猶入餘花晚自開命賓曾
授簡開府最多才今日西州路何人更獨來

獨至香山憶謝學士

歐陽修

伊水弄春沙山臨水上斜曾爲謝公客徧入梵王家陰澗初
生草春巖自落花却尋題石處歲月已堪嗟

和遊午橋莊

歐陽修

曉壇初畢祀弭蓋共尋幽鳥啣林中出泉聲冰下流攀條驚
雪盡翻袂愛風柔好駐城南馬春桑徧陌頭

叢翠亭

歐陽修

柳色滿重城，峇峇出翠薨。
春雲依檻暖，夕照落山明。
走馬章街曉，翻鴻洛浦晴。
清罇但留客，桴鼓晝無驚。

柴舍人金霞閣

歐陽修

簷前洛陽道，下聽走轅聲。
樹蔭春城綠，山明雪野晴。
雲藏天外闕，日落柳間營。
緩步應多樂，壺歌詠太平。

伊川獨遊

歐陽修

綠樹遶伊川，人行亂石間。
寒雲依晚日，白鳥向青山。
路轉香林出，僧歸野渡閒。
巖阿誰可訪，興盡復空還。

緱氏縣

歐陽修

亭後微郊畿人家嶺坂西青山臨古縣綠竹遶寒溪道上行
收穗桑間晚漑畦東臯有深趣便擬卜幽棲

南征回京至界上驛先呈城中諸友
歐陽修

朝雲來少室日暮向箕山本以無心出寧隨倦客還春歸伊
水綠花晚洛橋閑惟有餘樽酒相期一解顏

雨後獨行洛北
歐陽修

北闕望南山明嵐雜紫煙歸雲向嵩嶺殘雨過伊川樹繞芳
堤外橋橫落照前依依半荒苑行處獨聞蟬

以上文
忠公集

洛陽牡丹
梅堯臣

古來多貴色歿去定何歸清魄不應散艷花還所依紅棲金

谷妓黃值洛川妃朱紫亦皆附何言人世稀

辛著作知西京永寧

梅堯臣

躍馬西畿令家坐
在洛陽衣沾寒食
雨花發故宮牆冷
淡鳩鳴屋寬閒水
滿塘送君悲漸老
空憶釣伊魴

河陽秋夕夢永叔游嵩

梅堯臣

夕寢北窓下青山
夢與尋相歡不異
昔勝事却疑今風
雨幽林靜雲烟古
寺深攬衣方有感
還喜問來音

以上宛陵集

遊灑上劉氏園

司馬光

日暖孤臺迥露濃
幽逕微茅齋舉白
飲沙激踏青歸照
水清滿眼穿林香
濕衣莫言春尙淺
已有杏花飛

和王安之題獨樂園

司馬光

草濃初過雨林靜遠含煙鷺引新飛
鵝荷承半墜蓮明來惟有月山見
不須錢誰與同其樂壺中濁酒賢

贈堯夫先生

司馬光

家雖在城闕蕭瑟似荒郊遠去利名窟
自稱安樂窩雲歸白石洞鶴立碧松梢
得喪非吾事何須更解嘲

以上溫公文集

初見雪登白雲臺因望呈堯夫

富弼

氣候隨時應初寒雪已盈乾坤一色白
山水萬重清是處人烟合無窮鳥雀驚
欣然不成下連把玉壘傾

宋文鑑

宿延秋莊

邵雍

驅車入洛川下馬弄飛泉乍有雲山樂殊無朝市喧非唯快
心志自可忘形言借問塵中友誰爲得手先

吾廬吟

邵雍

吾亦愛吾廬吾廬似野居性隨天共澹身與世俱疎遍地長
芳草滿牀堆亂書自從無事後更不着工夫

天津閒步

邵雍

天子舊神州葱葱氣象浮園林閒近水殿閣遠橫秋浪雪暑
猶在橋虹晴不收人間無事日此地好淹留

遊洛川初出厚載門

邵雍

初出都門外西南指洛陬山川開遠意天地掛雙眸村落桑

榆晚田家禾黍秋民間有此樂何必待封侯

天津水聲

邵雍

洛水近吾廬潺湲到枕虛湍驚九秋後波急五更初細爲輕
風背豪因驟雨餘幽人有此樂何必待笙竽

遊龍門

邵雍

江天無少異幽瀉下晴沙洛去山形斷川迴渡目斜龕巖千
萬穴店舍兩三家清景四時好都城况不賒

天津幽居

邵雍

予家洛城裏况復在天津日近先知曉天低易得春時光優
化國景物厚幽人自可辭軒冕開中老此身

贈富鄭公

邵雍

天下繫休戚世間誰擬倫
三朝爲宰相四水作閒人
照破萬古事收歸一點真
不知緣底事見我却慙慙

女几山

邵雍

予看山多矣未嘗逢此竒
巨嵯如格虎險石若張旂
雲氣間舒卷巖形屢改移
丹青難盡處四面盡如斯

以上擊壤集

嵩陽道中

蔡襄

千里動秋意
祭迴登古原
山樵斲晚日
野火著松門
鐘磬出隣寺
牛羊下遠村
振衣歸去好
塵事厭如繁

忠惠集

送董傳

王安石

悠悠隴頭水日夜向西流行路未云已歸人空復愁文章合

用世顏髮未驚秋一聽秦聲罷還來上國游

荆公詩註按東坡有書與

魏公乞葬董傳疑卽此人坡稱傳文章有出塵之姿而公詩亦謂文章合用世惜乎其命之窮耳

過邵先生居

韓維

竹塢斜開逕茅簷半卷書幽閑人高臥淡薄見平居亂水隨
醜引殘花不掃除因君動高興回首想吾廬

將出洛城過廣愛寺

蘇轍

寺古依喬木僧閒正暮年爲生何寂寞愛客尙留連虛牖羅
修竹空厨響細泉坐聽談舊事遍識洛中賢

過登封閻氏園

蘇轍

秋暑尙煩襟林泉淨客心菊殘知節過荷靜覺池深疎柳搖
山色青苔遍竹陰猶嫌近官道軋軋聽車音

以上樂城集

石淙

王贊

磴道山巖下茅楹竹樹中深潭魚可見攢石路纔通坐聽潺
湲碧懸思爛熳紅平生邱壑志覽此興何窮

石淙

張仲武

二室盤游日三陽宴喜心分流來萬壑巨石擬千岑玉殿烟
蕪在石碑雨蘚侵翠華何處問山水自清音

以上宋詩選

歸龍門

程自修

來往空書札行藏但布衣直爲知己用可惜轉頭非歲月百

集江山一笑歸禰生狂到死君子要知幾音谷

金

太室同希顏賦

元好問

壯矣崧維岳盤盤止窈冥中天瞻巨鎮元氣有遺形雨入秦川黑雲開楚岫青鰲掀一柱在萬古壓坤靈

少室南原

元好問

地僻人煙斷山深鳥語譁清溪鳴石齒暖日長藤芽綠映高
但樹紅迷遠近花林間見雞犬直擬是僊家

洛陽古城曦陽門早出

元好問

乘月出曦陽黎明轉北岡荒邨自雞犬長路足豺狼天地憐

飄泊風霜憶閉藏微吟訴行役淒斷不成章

少林雨中

元好問

西堂三日雨氣節變蕭森偃臥復歆臥長吟時短吟鐘魚四
山靜松竹一燈深重羨禪棲客都無塵慮侵

以上遺山集

留題崇福宮

趙秉文

山面削瓜碧宮墻鋪粉光晴嵐天自雨夏竇冷噴霜勝地松
杉古仙家芝朮香東隣與西舍欠我一茅堂

侍祠太室

周昂

設燎彤庭做懸燈玉殿深星河含爽朗城闕助陰沈祗慄誠
初薦馨香德已歆清風動雲幕有喜見神心

以上中州集

元

送蒙古教授郭受益歸洛陽

陳樵

疋馬金華道西風過鴈初
萼羹十里地菰米九秋餘
齊語傳聲澀巴童問字疎
湯湯清洛水舊學復何如

元詩選

明

澗池道中

王禕

九月忽又暮吾行祇自傷
秋兼人共老愁與路俱長
野果迎霜赤園花帶雪黃
故人相慰藉日晚引壺觴

明詩綜

與駱子遊三山陂

李夢陽

邱壑胸應滿乾坤眼獨真
揚鞭指河洛立馬說周秦
古墓笙

歌地前朝戰伐塵秋風颭颭起白草正愁人

空同集

孟津

楊慎

檣櫓橫移岸樓臺背枕河飛甍臨積水懸雷下洪波蛟避荆
飛刺龍驚女激歌自憐非估客風浪飽經過

河曲風烟古天涯旅望深津樓環日激碣石帶雲岑竹箭春

添溜蒲帆暝逗陰岷源千萬里何處是江濤

升菴集

過孟津次先已酉韻

趙貞吉

回御指滄浪吾家沱水傍苾芻香座穩平仲野陰涼卜世傳
關朗交隣託仲光續經猶畏老無力賦長楊

文肅集

過義昌驛

鄭岳

義昌小驛舍忽見好池臺竹笋虛簷出山峯亂石堆蒼翠
午靜碧樹帶秋迴坐久渾忘去西崦日已催

山齋淨稿

九日重遊少林寺

吳三樂

少林佳麗地乘興又重遊九日禪堂靜千古洞幽羣山蒼
翠合孤峙白雲浮故友黃花共陶然一醉留

說嵩

過澗懷舊

黃輝

十六出函關驅車幾度還雲松遊子夢霜菊故人顏世事泉
移壑年華風過山久應關尹笑何事馬蹄間

怡春堂集

少林寺夜坐待月

周夢暘

萬籟此俱寂空山星宿稀桂林殘月吐入定一僧歸岐路誰

招飲風塵未息機，鄉思渾不滅。幾欲遂初衣。

嵩嶽

杜文煥

山色碧嶙峋，山形若鬼神。佛圖金作像，嶽廟玉爲人。獨鶴何年駐，三花幾度春。晚風吹几杖，縹緲出松筠。

以上說嵩

謁中嶽

王應鵬

五嶽從中起，平生此勝游。紫雲飛絕頂，靈氣溢皇州。日落諸天暮，風搖萬木秋。因懷封禪事，吟對獨悠悠。

定齋集

游達磨面壁洞

黃洪憲

躡屐上層岑，千峯帶夕陰。芙蓉青嶂合，芴草白雲深。洞迥迷人經，壇空只梵音。相看面壁處，聊足洗煩襟。

遊二祖菴遇雨

黃洪憲

迢遞青山暮，峻嶒石磴斜。
孤雲生杖履，細雨濕袈裟。
古井餘雙栢，烟嵐散五花。
何年謝軒冕，此地學丹砂。

以上說嵩

入少林至初祖洞

袁宏道

宿世同來否，青山記夢登。
雲分新墜石，樹老舊扶藤。
古蘚番文印，胡鬚壁影僧。
磨公真狡獪，隻履去何曾。

中郎集

中嶽廟

黃承元

高高鎮諸夏，四嶽仰岩崑。
靈異傳周禮，明禋本漢朝。
烟雲覆萬里，峯嶽上層霄。
我欲求丹訣，羣仙故寂寥。

宿少林

王濂

客路紆橫嶺禪堂空碧岑徒參留石影未了獻花心草澗繁
春色松崖倒夕陰焉能無拘束野興遂幽尋

宿少林寺

朱衡

初祖開初地香臺控碧岑雙泉泓德水五葉散珠林鐘定禪
關夕山寒寶塔陰空堂一片月會印折蘆心

以上說嵩

洛中感秋

高出

紅樹卽山路西風颯已驚東京有遺事游客不勝情金谷銅
駝地周公召伯城二毛動秋興三十豈成名

喜渡河洛再過伊闕

徐芳

次第鄉城減龍門入望真游絲天際路歇馬渡頭人繡佛雙

崖古流花一洞新
顏矜伊洛道從此
稍知津

渡孟津

徐芳

征車不可歇
夷險且相任
天意限南北
人行自古今
躍魚雖

有力飲馬豈無心
惆悵剡舟者
功高禍亦深

以上明詩綜

漢封三栢

張民表

混沌開先樹
殷周閱世姿
雲滃龍下攫
靈激帝高麾
遠翠苞

千品浮清滲
兩儀耻爲庸
俗伍卜築與公期

林宗遺詩

渡潁水有感

傅梅

洗耳逃名位
高風自潁濱
山川無定主
天地幾閒人
逝水悲

前代浮雲歎
此身褰裳歸
未得低首任紅塵

雒園稿

測景臺

在登封縣東南三十里故告成縣

顧炎武

象器先王作靈臺太室東陰陽求日至風雨會天中考極三辰正封畿萬國同吾衰今已甚猶一夢周公

亭林詩集

述嵩少之勝

翁藏若

百里嵩山道千尋石磴盤曉霞峯頂簇春雪馬蹄寒古殿隋唐瓦長松風雨壇因君話幽勝彷彿倚巔岘

通志

國朝

渡洛水

王士正

脉脉中流望盈盈羅襪塵西園魏公子南浦洛川神蘅薄芳猶在楊林意未申凌波何處問秋水正魚鱗

望緱山廟

王士正

王子乘鸞鶴飄搖伊洛間至今明月夜鳳吹滿空山緱氏仙
踪杳東萊漢使還樓居高幾許天路渺難攀

七夕前二日鞏縣阻雨

王士正

大火西流日昇仙轍跡存秋風來鞏洛暮雨阻轅轅欲把浮
邱袂難招杜甫魂神嵩不可眺三十六峯昏

呂忠節公輓詩二首

王士正

一自澠池渡風塵天地昏銅駝悲故國龍種失王孫司馬空
居洛巫陽詎返魂長令懷古者流涕上東門

紫陌臨伊岸青山抱洛中殺函失天險父老哭遺忠秉國人

誰在騎箕恨未窮
橋陵西望近應逐
鼎湖弓

以上漁洋集

洛陽拜兩程夫子祠

施閨章

每抱遺書讀如從杖履遊
兩賢墟里在百戰廟碑留高視無
曾聞微言竟魯鄒君看伊洛水千載竝東流

緱山廟二首

施閨章

不知黃屋貴揮手出塵氛
野蔓沒丹竈天風來嶽雲
荒祠環嶂入仙樂幾人聞
倘值浮邱子吾將鸞鶴羣

葉縣神仙宰緱山帝子臺
尋幽歡竝馬惜別重銜杯
鶴馭層霄遠秋聲萬壑來
不勝懷古意捫碣徧荒苔

面壁洞

在少林寺後

施閨章

一峰分五乳絕壁迴千尋路折羊腸險山穿虎穴深幾人堪
共語片石尙知心不用詢陳蹟茫茫自古今

以上愚
山詩集

遊雞卵洞

耿介

長嘯遊丹穴披襟宿碧宮殘烟迷樹紫曉日帶霞紅石井龍

津滿壺邱月影重雲中羽客至何事駕飛鴻

逸菴
稿

少林寺

傅而師

石磴夏雲浮緣靈到上頭天盤孤寺立雨挾亂山流毛栗低

垂實棗花暗結秋招提幽不已信宿此淹留

枕烟
亭集

洛陽道

沈允范

九土中央麗金城北斗開地標嵩洛迴水合澗瀍來游女紛

馳道歌鐘溢吹臺傾都看衛玠隨處起塵埃

采山堂集

少林寺四首

潘耒

三十六峰下天開古少林一屏當戶秀千樹擁簷深
世主曾停輦禮宗此印心興衰經百過鐘板有餘音

五乳昔曾夢三花今始攀緇書虛室靜坐月廣庭閑
夏日不停樹秋涼先借山身心雙寂寞高枕欲忘還

地似曾遊熟僧如舊識親名山應宿願淨業是前因
老覺浮名誤閑知道味真出塵須勇猛斷臂是何人

精藍饒古蹟周覽壁西東文獻殘碑裏宗支繪像中
名非北

海大文德簡樓工

王巾字簡樓撰頭陀寺碑

雪上聊留爪鴻飛已碧空

初祖菴

潘耒

獨蘊拈花意迢迢萬里來棲林身似鶴面壁語如雷法自單
傳盛宗憑五葉開無人見真面影像在塵埃

龍潭寺二首

潘耒

寺闕嵩山角人來月上初加餐香稻美堅坐廣庭虛峰影浮
林杪溪聲徹夢餘塵襟都滌盡况復警鐘魚

飯是開田博僧因學律增威儀三代肅經論一家宏瀾可狂
禪砥門從宿將興

開山僧洞然乃武弁出家者

潭龍已馴性聽法此中曾

萼嶺

潘耒

嵩嶺中開處關傳古轅轅時清無堠卒地勝有祇園嶽勢趨

卽轉河流帶洛翻煙村青不斷如掌見平原

緱山

潘耒

王子青宮貴求仙意自超無才安九鼎有骨近三霄獻地悲
王赧尋戈笑子朝何如緱嶺上乘月理笙簫

鞏縣

潘耒

鞏洛東周隘經行險始知河流吞岸窄山勢壓城危勇豈投
鞭渡輕難竝轡馳洛倉遺蹟在轉粟至今宜

以上遂初堂集

人日洛陽對雪

陳維崧

去年人日節一片五湖晴今歲逢飛雪淒涼在洛城梅花都

不見彩勝倩誰成愁逐春盤菜迢迢一夜生

湖海樓詩集

登箕山

毛奇齡

爲訪箕山隱，淹留潁水間。
千秋高土地，一片白雲閒。
暝鳥枝頭轉，春花石上斑。
清泉堪洗耳，不欲竟來還。

箕山有懷

毛奇齡

處治能忘賤，居然遂爾超。
知時來避禹，生世幾逢堯。
石蔓披香褐，山菘掩翠瓢。
嵩高樓息地，一望在青霄。

入嵩陽將登嵩嶽有作

毛奇齡

太室羣峯峻，轅轅拾磴長。
春雲飛馬足，愁絕古嵩陽。
玉女搖潭水，山花墮石梁。
漢皇金匱杳，何處挹瑤漿。

登嵩嶽感懷

毛奇齡

昔誦高高峻今知喬嶽尊紫微通帝座黃蓋繞天門中宅息
伊洛平原眺陸渾春心千里度極目總愁魂

宿少林寺夢跋陀飲予水

毛奇齡

絕壑嵩陽晚西行宿少林月寒龍洞遠露下講堂深蓮椀分
丹液楊枝滴素心何年婚嫁畢重向夢中尋

以上西河集

李因篤

黑石頭渡雒水

古道長依雒前津始放船青泥通沃土黑石泛疎烟豆粥凌
晨具魚肪度地偏御風隨所適江海正悠然

王公輔嗣談易坊

李因篤

滿目瞻餘緒談經式舊坊雄才成割裂妙悟得高狂宿火沿

津永晨鐘帶邑長，卦臺終古秘何路。一升堂。

萇宏墓

李因篤

地古風猶烈，川平雪漸銷。石傍生宿杜，雲外落寒鵬。碧託白

山翠，清來雒水潮。東周何處是，指點問漁樵。

以上受祺堂集

測景臺

葉封

自古陽城地，相傳測景臺。嶽形當正落，石表定誰裁。太史推
求法，元公制作才。土中干象緯，瞻望重低回。

嵩遊草

望原陵

呂履恒

南鄔鬱青青，東都俯漢陵。千秋留玉盃，長夜失金燈。烏鵲翻
殘雪，黃河下宿冰。異時松柏盡，猶見五雲凝。

海南府志
卷之二
石門

新安青要山中駱賓王有詩今名漏明巖

呂履恒

造物矜靈奧何年有此巖山深交鹿豕石裂亞松杉絕礮流
雲過遙峰落日銜樂饑真可賦斲藥有長鑱

永寧道中覽古

呂履恒

雲日遞明晦秋山生遠青微波依岸動落葉隔林聽城壘餘
韓國山川近召亭古人意俱盡禾黍識英靈

關塚

呂履恒

西蜀空天險東都幾寢園孤臣留尺地萬古在中原賜廟環
松柏居人薦藻繁曹家有疑塚野燎失頽垣

韓柱國墓

呂履恒

柱國世多賢，豐碑表舊阡。將才中主識，兵法外甥傳。廟貌凜

生氣，松風吹古煙。隋宮渺何處，抔土萬斯年。

以上夢月叢詩集

除夕奚里鋪

湯右會

雲林入幽處，烟火半巖間。家飲洛川水，門臨少室山。祝雞翁
寂寂飲鶴澗，潺湲今夕是何夕。倏然心更閒。

懷清堂集

涉澗

吳雯

清澗方朝涉，人家半薜蘿。溪光迎客淺，山翠拂衣多。霸業餘
荒壘，盟臺俯逝波。誰能瞻紫氣，函谷等閒過。

宿孫家灣

吳雯

中酒翻成病，長譚祗益哀。一燈殘夜後，百感壯年來。洛水芝

難採嵩陽桂未開愁心與歸夢却傍赫連臺

以上蓮洋詩鈔

冬日登錦屏山

呂謙恒

宮觀凌幽壑危峰一徑通三川晴雪裏萬木夕陽中石古層層蘚山空面面風仙人那可見寂寞想鴻濛

石窟寺

呂謙恒

匹馬倦猶往啼鶯聲自和客來樵徑少松覆澗雲多奧蹟占興廢孤遊寄嘯歌偶逢田父至話向北山阿

賈太傅祠

呂謙恒

年少謀人國誰知王佐宜治安方痛哭絳灌已交疑湘水昔投賦洛城今有祠武皇好文主惆悵不同時

安樂窩

呂謙恒

龍德應天民陶然盛世春曠懷耆社外擊壤洛川濱風月無
邊潤圖書有象真巢由寧一轍萬古仰斯人

以上青
要集

杜少陵墓三首

劉青藜

尸鄉東去路一弔少陵墳短碣埋青草荒山鎖白雲百年常
作客一飯不忘君白酒未江夜淒涼不忍聞

萬里清明節回頭憶北邙可憐出巫峽曾未到襄陽故國三
千里羈魂二十霜蹉跎稷契志終古恨茫茫

鳳髓夸天上鯨魚掣海中寸心應自許獨步竟誰同撼樹虬
蜉拙戲蘭翡翠工飛霞無路覓惆悵憶韓公

緱氏縣

劉青藜

古廟臨高阜荒城接阪田仙蹤何處問春草自芊芊已諱馬

肝死重經玉印鐫東封與西祀更爲鼎書傳

以上高陽山人詩集

七月初五日行次登封過嵩山下作

顧嗣立

御輦巡方數嵩山作鎮雄白雲封嶺半青靄接天中龍挾寒

潭雨鵬培老栢風丹梯如可上絕頂問蒼穹

味庶詩集

福昌道中

福昌閣前有宋大觀中碑

仝軌

隴麥已纖纖垂楊烟色添薄雲幽洞口積雪遠山尖下馬募
題碣衝風問酒帘緬懷宋主簿遺事說文潛

張思叔故里

名釋伊川門人事載伊洛淵源錄

仝軌

程門稱二士和靖並高名備力從師苦叅禪祝髮輕喪元甘
異處被召惜同聲三畝屏山地何人復退耕

嵩山

仝 軌

崇聖標中岳隨山識外方九潭閒自注二室屹相望佛寺秦
槐古儒宮漢栢蒼未能攀峻極窮覽愧歐陽

以上真志
堂詩集

香山寺二首

恭和
聖製元韻

劉 綸

林梢穿白塔屋角補青山木落三門靜雲歸一榻閒人行紆
略徇馬意趁潺潺空界回斜照邨邨熟柿殷

留題旆未旋高躅憶羗然社有耆英集坊仍履道連名山詩
可貯初地宅能蠲長慶風流在幽尋肯促鞭

南唐志
卷之一
三
少林寺

聖製元韻

恭和

劉綸

跋陀聞付拂此地有祇林嶺畔嵩呼近堂前花雨深一杯初
渡影片石尙留陰文字西來少難拈讚佛吟

以上繩庵內集

狄梁公墓

呂守曾

不知白馬寺乃近狄公墳委曲存皇社淒涼送白雲春花僧
作飯秋雨牧爲羣忠孝能相得千秋獨有君

松坪詩草

洛陽

吳璜

攬勝中原最承平氣象閒河流抱伊闕嶽影護秦關耕鑿銷
金甲鶯花怨玉顏離離宮寢盡惟見北邙山

黃琢山房集